

LEBAKA LA KEREKE YA SAREDE



...kgoši. Ngwanešu o be a sa mpotša gore go be go na le disakatuku tše, e be e le tša yo mongwe a hwago ka kankere. Kafao re tla be re ba rapelela mo lebakaneng le lennyane. [Ngwanešu Neville o re, “Go na le dikgopelo tše pedi thwi ka lehlakoreng le lengwe.”—Mor.] Kgotelo tše pedi? Go lokile, ke tla... [“E tee ya tšona. E tee ke kgopelo.”] Go lokile, mohlomphegi. Gomme ke tla di bea mo go rapela godimo ga tšona le tšona.

² Gomme ka gona yo mongwe o sa tšwa go fetiša noute, etla go dikologa gomme o fetišitše noute ka ga sela... ka ga tirelo ya gosasa. Lena bao le lego mo le re etetšego, ka kgonthe re tla thaba ge le ka tla tlase morago ga sekgalela ka iri ya bobedi, gosasa morago ga sekgalela, ba ya go ba le tirelo ya theipi. Gomme ge le sa dire selo, go tla ba le o tee wa melaetša yeo—yeo le sa nkego la ekwa e tla bapalwa le go ba le kopano ya thapelo, gomme—gomme re tla no letela nako ye botse bosasa morago ga sekgalela ka iri ya bobedi. E ya go ba nako ya go potlaka kudu go nna gobane gosasa, le a bona, ke swanetše go tšea Lamorena mosong, gomme gape Lamorena bošego, gomme gosasa bošego, gape, le tšohle tša ka ga histori ya dikereke tšeo.

³ Gomme bjale, Lamorena mosong, Morena ge a rata, re letetše nako ye kgolo, gobane Lamorena mosong ke go khutša ga rena, ke mohuta wa go khutša go tloga Mokibelo bošego... ke Lebaka la Kereke ya Laodikia. Eupša Lamorena mosong ke nyaka go topa: *Kgarebe Ye E Robetšego*, le *Tsogo*, *Tše nne*... *Dikete tše Lekgolo Masomenne nne*, le tšohle tšeo dintlhana tše nnyane tša go hlepha tše di kopanyago molaetša mmogo go la Lamorena mosong. Ditirelo di tla thoma ka iri ya senyane. A seo ke nnete, modiša? Ka iri ya senyane, Lamorena mosong, go re re nyaka go tšea dilo tšohle tšeo go swana le “A go tla direga eng ka kgarebe ye e robetšego, gomme go tla direga eng ka kgarebe ye bohlale? A bona ba boa neng? Goba ba dikete tše lekgolo masomenne nne ba tla tšwelela kae?” Gomme le tše ntši tše bjalo tšeo bakeng sa Lamorena mosong, go leka go kopanya tšeo mmogo, ge tšeo di eya thwi ka gare le molaetša wo. Gomme kagona Lamorena bošego re tla tšea morongwa yo mogolo wa mafelelo le Molaetša go ya Laodikia, Lamorena bošego, Morena ge a rata.

⁴ Gomme bjale, ka gona, gosasa morago ga sekgalela ke tirelo mo, tirelo ya theipi. Ngwanešu Gene o nno mpotša gore ba tla... re tla thoma ka iri ya bobedi gosasa morago ga sekgalela. Gomme lena batho le ratago go tla la kwa molaetša, la ba le thapelo go dikologa aletara, lena ba le nyakago Moya wo Mokgethwa goba se sengwe, nako ya go makatša. Kereke ke ye botse le borutho, e bulegile, gomme e komana go mongwe le mongwe ka nako ye

nngwe le ye nngwe le nyakago go tla ka gare le rapele le go nyaka Morena. Kereke e butšwe le go letela. Gomme re . . . re tla be re le letetše, e beye ka tsela yeo, re le letetše gosasa morago ga sekgalela.

⁵ Goba ka nako ye nngwe le ye nngwe le nyakago go tla ka kerekeng le go rapela, gobaneng, ka mehla e komana. Gomme ge go ka direga gore mejako e notletšwe goba se sengwe, go kgabola mokgotha fale, ngwanešu wa ka, yo e lego mohlokomedi mo. Ke a nagana ke 411, ke dumela seo. . . Goba 811 (a ke yeo. . . ?) 811, feela bokgole feela go sokagana le kereke mo, 811. Gobaneng yena, mo. . . mosadi wa gagwe o tla ba le dinotlelo ge ba ka goga lebati mmogo gomme le a notlelega, eupša ba le tlogela le bulegile mohlomongwe mo mosong, ba a le bula. Goba, ka morago ga tirelo, le tswalelwa bošego, go thibela bana go tšhabeša go e kgabola yona, le a tseba, gomme le go thuba mafastere le go ya pele; le a tseba bona digotlane ba bjang, kudu ka go matšatši a. Kafao re e tswalela ka lebaka leo. Ga re rate le go ka tswalela lebati nako e ka ba e fe go kereke. Mohlomongwe ge ye nngwe e lokile, re ka e hwetša kafao e tla ba go fapana ka gona, gomme re . . . yo mongwe a ka ba fao ka nako yohle gore batho ba ka tla ka gare le go rapela, gomme ba nyaka phodišo, ba nyaka Moya wo Mokgethwa.

⁶ Lena, bao le hlokago Moya wo Mokgethwa ka maphelong a lena, etlang tlase, dulang mo, e nong go dula bošego bjohle ge le nyaka go dira, e nong go dula go fihla o tla O amogela.

⁷ Ke mang ntle kua nakong ya go feta a bego a opela, “Modimo gohle go nna, gomme Modimo mogohle”? Ke—ke naganne Tlhatlogo e tliile; ke, lebeletše go dikologa fale, le go bona ge eba mongwe le mongwe o be a le gona. Go be go makatša kgonthe; ke thabela seo. Re ka kgona go emelela bonnyane ka ga seo e ka ba bontši nako ye efe kapa efe. Ee, mohlomphegi. Yeo ke . . . Ke sa tšwa go tla gare, nako go tla go kwa seo.

⁸ Gomme ke fetilwe ke dikopelo tšohle tše botse ka go dikopano tše gobane ke naganne mohlomongwe sela. . . Oo, ke no iswaiswa, le a tseba ka mo e lego. Batho—batho ba tla ka sefofane, ke setimela, ka . . . Ga—ga nke le e tseba, le a bona, gobane e nno tla ka mogala, o swanetše go ya go bona, o kopana le bona gomme o ba rapelele, gomme mo gohlegohle. E no tšwelapele e sepela, gomme go leka go ithuta gape; e e dira bothata go feta. Eupša ka nako tšohle re thabela go kopana le batho gomme re dira seo re ka kgonago go ba direla ka gobane ke . . . seo ke sa rena . . . re badiredi ba setšhaba bakeng sa Morena Jesu Kriste go batho ba Gagwe ba letšatši le. Gomme re rata go dira go feta ka mo re kgonago go dira, eupša ga re kgone.

⁹ Modiredi o tšhabeletše ka gare mosong wo, o tletše ka letšhogo, a ripagana diripa, moisa wa go loka. Gomme ka gobane o be a le . . . o nno šoma go feta tekano. O na . . . O thomile go

emelela, gomme mosetsana wa gagwe yo monnyane o be a le ka kamoreng, gomme o ile a thoma go tshelatshele. O be a apere pitšama ye nnyane ye khubedu; o rile selo sa mafelelo a se gopolago e be e le lefelwana le lehubedu le dikologa, dikologa, dikologa, dikologa, ka mokgwa wola. A tšwela ka ntle, le a bona. Gomme kafao ba mo kitimišetša godimo. Kafao e—e no ba mošomo wo montši, le a bona. Le—le a elelwa le nama gomme re—re nyaka . . . re nagana morwalo ka moka o beilwe godimo ga rena. Eupša, o a tseba, Modimo o na le bahlanka mogohle go hlokomela tše dingwe tša tšela, gomme kafao re no dira bokaone re ka kgonago. Eupša modiredi wa mogau o leka go dira bobjohle a ka kgonago mo matsatšing a a mafelelo go Morena wa gagwe. Ke ne nnete . . . Gomme Morena o mo phološitše thwi fale, o no ba gabotse, gomme a mo tliša thwi morago gape, tlwaelong, go lokile, o ile tseleng ya gagwe, a thabile.

¹⁰ Gomme, oo, selo se segolo se diregile lehono. Ke no se nyake go thoma ka dilo tšela, eupša . . . Le a tseba, ke boditše mosadimogatša wa ka, ke rile, “Bjale, go tla ba le yo mongwe a etla godimo fale, gomme o tla ba monna, yo mokopana, yo mokoto, moriri wo moswana le mahlo a maswana, o tla bala leswao lela gomme a thoma go . . . eupša o a mmitša, le a bona.” Ke rile, “Gobane Morena o bile le molaetša bakeng sa gagwe.” Gomme ke emišitše Beibele e bulegile, gomme ke rile, “Ke ya go bea dilo tše ka mo gore le di bone gore ke tlwa se Morena a nyakago a se dira.”

¹¹ Mengwaga ye seswai ya go feta, monna wa Mopolane go tšwa Polane, a godišitšwe ka Polane . . . Ka kopanong, o tlile sefaleng gomme ba rile . . . goba Moya wo Mokgethwa o mo lebeletše, wa mmotša, o rile, “O no ba o ne kgakanego.” Seo ke se . . . O naganne ke se boletše, eupša e bile se Moya wo Mokgethwa o se boletšego. E dutše thwi le yena lebaka lohle, gomme mafelelong ya mo goga go tloga Kansas City go tla moagong maabane bošego, gomme o bile le kgakanego kudu ge a kwele ka kolobetšo yela ya meetse. O ile hoteleng ya gagwe, gomme Moya wo Mokgethwa o rile, “Emelela bjale gomme o ye godimo fale.” Yo mongwe o nyakile go tla mmogo le yena, eupša o e ganne gobane ka pono o tlile a nnoši ka boyena. Le a bona? Gomme kafao . . . gomme o, mokgomana o rata go bala maswao, o thomile, a boela tsela morago, gomme mosadimogatša a mmitša gomme ke ile mojako, ke rile, “Yoo ke—yoo ke yena, mo tlogeleng a tle.”

¹² O rile, “A ke swanetše ke dire eng?” Ka morago ga ge a bone, o rile, “Bjale ke a e bona.”

Ke rile, “Ke nyaka go le bontšha se gore le tle le tsebe bjale, le a bona.” Ke rile, “Morena o mpoditše o be o etla.” O ka no mmotšiša. Ke rile, “Bjale, Lengwalo ke le. Le bale mo pele o tšwela pele.”

¹³ Gabotse, o mo go tla go kolobetšwa Leineng la Jesu Kriste bjale. Kafao...?. . .A ka no be a dutše mo bjale, go sohle ke se tsebago. A o mo, ngwanešu? Ngwanešu wa, wa Mopolane ngwanešu. Huh? Ya, morago kua mo khoneng šo yena, ee. Emelela . . .emiša seatla sa gago gore ba kgone go go bona fao. Go lokile. Go bona Moya wo Mokgethwa . . . Seo se no direga dinako tšohle. Batho ba bantši ba no nagana dipono di tla mo sefaleng. Oo, seo ga se e thome. Ke eng ka yona, Ngwanešu Leo? Feela mo gohlegohle, le a bona. Gabotse, le ke lefelo le lennyane la Yona, mo. Le e no ba fao bonnyane bo diregago. Ntle kua fale E ya go letšatši lohle le bošego, le a bona. Ya, botšiša mosadimogatša wa ka, gomme o . . . goba bona, le moagišani wa ka morago kua, Ngwanešu Wood, gomme le bohle ba ba le go tikologong. Oo, nna! Tše ke dilo tš nnyane—dilo tše nnyane mo; ke dilo tše kgolo tše di diregago kua. Bjale, gomme seripa ga se nke sa boelwe. Oo! Ke thabile kudu ka ga yona, go tsebeng gore Morena wa rena o etla kgauswi gomme re ya go ba le Yena go ya go ile nako yeo; e sego *go ya go ile*, eupša ka *Gosafelego*, ka *Gosafelego*.

¹⁴ Bjale, Morena ge a rata, ke a dumela ke la lesomeseswai, Lamorena, beke. Lamorena, beke, lesomeseswai. Ke bile le ntwae ye mpe; Sathane o be a leka go mpha mpshikela wo ba nago nawo o tšwelelago go dikologa mo, Ke nno tšwelapele ke o neela morago go yena; gomme o o bušetša morago go nna, gomme ka o bušetša morago go yena. Kafao . . . gomme kafao ke bile le ntwae ye nnyane. Kafao ka kgonagalo re tla thulana le yona bekeng ye e tlogo. Gomme ka gona, Morena ge a rata, ka go Lamorena la go latela, la lesomeseswai. Gomme re ya go leka go tliša tirelo tsoko ya go rapelela balwetši ka gobane ba re . . . dilo di ba le tšhalelo le go šalela le go ba ditšhoganetšo gagolo re leka go e hlokomela ka potlako ka mo re ka kgonago, gomme diiri, diiri tšohle tša bošego gomme le sengwe le sengwe se se tlogo le go sepela. Kafao la lesomeseswai re ya go ba le tirelo ya tlwaelo ya phodišo. Gomme ge le na le ba bangwe ba baratwa ba lena ba nyakago go rapelelwa, gabotse, ba tlišeng godimo, goba etlang le bona ka gare ka nako yeo.

¹⁵ Bjale, go na le magagešo ba bantši ba Jeffersonville ba bego ba mpotša, ba re ba tlile ka nako go fihla mo, e ka ba ka iri ya bohlanano, ba rile ga go sa na le sekgoba bakeng sa dikoloi tša bona (goba tshela). Kafao bona . . . ke rile, “Gabotse, le . . . Ba ke banešu ba baeti go šwa mogohle, batho, badiredi ba bantši.” Ke rile, “Ba—ba beilwe godimo ga thuto ya Ye.”

¹⁶ Gomme re no leka go bontšha dintlhakgolo. Gomme morago gannyane, gobaneng, re tla ba le yona e le ka sebopego sa puku gore le ka kgona go e bala gomme—gomme e tla ba bonnyane—bonnyane e okeditšwe go yona, ka gobane bošego . . . Le tla lemoga, mašego a mmalwa a go feta, ke lekile, ke bile, go boloka segalontšu, le a bona, gobane ntlhora ye kgolo yela, seo ke se

ke nyakago go se bona; fao moo kutollo ya Kriste e dirwa ka go lebaka le, le a bona, ka ga seo e lego.

17 Gomme bjale, pele re ka bala Mangwalo . . . Gomme ke a tseba gosasa ke letšatši le legolo la kgwebo ge bohle re swanetše go ya go hwetša dijo tša Mokibelo bošego ka gare. Gomme re swanetše go di hwetša Mokibelo morago ga sekgalela goba Mokibelo mosong, e tee, kafao re tla ba le Mokibelo o lokologile go tla kerekeng. Kafao re tla leka go le lokolla ka pela gore le se tle la lapa go tla go e hwetša gosasa, gomme ka gona le tla bowa go tla tirelong ya morago ga sekgalela le banešu mo le ditheipi le—le gape le ya gosasa bošego.

Bjale, a re ka ema sebakana bakeng sa thapelo, ge le ka kgona.

18 Ke a makala, pele re rapela, ge eba go na le yo mongwe yo a nago le kgopelo ya go ikgetha ya thapelo, ge o ka no e dira go tsebja ka letsogo le le emeletšego. Modimo o a bona. Bjale o bona ge eba re ka lefaseng le nago le dinyakwa goba aowa, baena. Ke thanka masomesenyane tlhano goba masomesenyane seswai a phesente a batheeletši ba emišitše diatla tša bonaa gona bakeng sa . . . Bjale, elelwang, le ka se kgone go šutha ntle ga gore Modimo a e tsebe. Le a bona? O tsebile maikemišetšo a lena, O tsebile seo le se kgopelago.

A re inamišeng dihlogo tša rena:

19 Tate wa mogau wa Legodimong, re batamela Bokgethwa bja Gago bošegong, Terone ya Gago, ka tshepišo ya Gago ye O boletše gore O tla e kwa. Gomme ge re ka dumela, O tla re fa se re se kgopetšego. Gomme re ipolela dipošo tša rena tšohle. Re a lemoga, Morena, gore ga re na—ga re na maswanedi a tšhegofatšo e ka ba efe ya Gago. Ga re—ga re na maswanedi. Mmogo ga re na maswanedi, gomme ga re tle nke re be re—re be re ne maswanedi gomme—gomme re dirile se sengwe se segolo. O Tate, ge re lebelela Khalibari, seo se tšeago bogolo bjohle go tloga go rena, ga—ga re tsebe selo sengwe fale eupša Kriste gomme Yena a bapotswego. Kagona ge re bona gore O tsogile ka letšatši la boraro go ya ka Mangwalo, bakeng sa tokafatšo ya rena, a bowa morago matšatši a masome a mane morago ka sebopego sa Moya wo Mokgethwa, go dula le rena go fihla go tšwelela ga Gagwe ga go bonagala ka mafaufaung ka nakong ya mafelelo. Gomme re bona nako yela ya mafelelo e batamela ka potlako ka kgonthe bjale. Gomme re batho ba ba thabilego kudukudu, Morena, gobane gore—gore O re file monyetla wo wo mogolo.

20 Ke leboga kudu, Tate, ka gore batheeletši ba ba theeditšego ba dutše ka dipelo tše inamilego, gomme ba theeditše . . . ? . . . Gomme ka gona, Morena, ke a rapela gore O tla hlwekiša dipounama tša ka bošegong bjo, gomme bošego bongwe le bongwe le nako ye nngwe le ye nngwe ye ke tla tlogo go phuluphiti ya Gago go bolela le batho ba Gago; gobane, Morena,

se ntlogele ka bolela e ka ba eng sa phošo. O sa na le maatla a go tswalela molomo go swana le ge O dirile legolong la ditau ka Daniele. Gomme ge nka tsoge ka bolela se sengwe se sa yego ka thato ya Gago, tswalela molomo wa ka, Morena, gore ke se se bolele. Tshela dikgopolo tša ka; mpee mohlaleng wa maleba, Morena, mo nka se boelago eupša Therešo. Gobane ke a lemoga gore ka go letšatši lela le legolo batho ba tla be ba letetše ka mošola godimo ga... ba letile go ya le ka bodiredi bjo ke ba reretšego. Ge O etla go—go tšea e ka ba efe ya dinaledi tša Gago, le barongwa ba Gago, badiredi ba Gago, bahlanka ba Gago, ba tla šogelwa ntle pele go ya ka Melaetša ye ke bego ke e rera pele mo. O tla ba rweša boikarabelo, bahlanka ba Gago.

²¹ Bjale, Tate, ke a rapela gore O tla tlogela Moya wo Mokgethwa wa bolela gomme e sego motho. Bolotša dipelo tša rena gore re tle re kwe Yena. Ke tla be ke theeditše, Tate. Ke rapela gore O tla fodiša balwetši le batlaišegi. Tšohle tše batho ba di hlokago, gohlegohle, anke mogau wa Gago le kgaogelo di be le bona. Efa kgopelo ye nngwe le ye nngwe ye e dirilwego bošegong bjo ka letsogo le le emišitšwego. Ntle go kgabola naga ge ba bangwe ba tlaišega, ebile le bona bao ba disakatuku tše di ba emelago, le dikgopelo tše di letšego ka seatleng sa ka mo, anke Moya wo Mokgethwa o arabe, Tate, le go fodiša balwetši. Bolela le rena bjale ka Lentšu la go ngwalwa la Gago, ka Moya wo Mokgethwa, re a kgopela Leineng la Jesu. Amene. Dulang fase.

²² Bjale, bošegong bjo go borutho gannyane ka kerekeng. Lebaka la Kereke ya Laodikia le legolo le tla godimo. Gomme bošegong bjo re batamela lebaka la kereke le lengwe le legolo lela leo le tla bago la—la la bohano lebaka la kereke. Re tšere lebaka la kereke la mathomo, leo e lego Efeso. Nka no bala tše gape ka mathomong, di be tšohle di ngwadilwe gomme kafao ke tla rata go le balela tšona gape go lena bao le tla rata go di hlokomela mo matlakaleng a lena.

²³ Lebaka la kereke la mathomo e be e Lebaka la Kereke ya Efeso, go tloga A.D. 55 go ya 170. Paulo a bilego naledi, gomme e bile lebaka la kereke la mathomo. “Mediro ntle ga lerato” e be e le pelaelo ya Modimo. Moputso e be e le “Sehlaro sa Bophelo.”

²⁴ Lebaka la kereke la bobedi ebile 170 go fihla 312, Irenaeus ebile motseta wa letšatši. Gomme pelaelo e be e le go hloma-... e be e le tlaišego, gomme kereke ye e hlokofaditšwego. Moputso, “Mphaphahlogo wa Bophelo.”

²⁵ Lebaka la kereke la boraro e bile Peregamo, Mokgethwa Martin e le motseta go kereke yeo. Lebaka la kereke ebile go tloga ka 312 go fihla 606. Pelaelo e be e le “thuto ya maaka, maaka a Sathane, motheo wa pušo ya Mopapa, gomme lenyalo e be e le kereke le mmušo mmogo.” Moputso e bile “mana a utilwego, le letlapa le lešweu.”

26 Gomme lebaka la kereke ya bone e bile Thiathira; Columba e le morongwa wa lebaka leo la kereke, motseta; 606 go fihla 1520. Gomme lebaka la kereke e be e le kgoketšo ya Mopapa, Lebaka la Leswiswi. (E be e le bošego bja go feta, le a tseba, Lebaka la Leswiswi.) Gomme mo—mo moputso, e bile “maatla a go buša ditšhaba, le Naledi ya Moso,” go morongwa.

27 Bjale, bošegong bjo, re thoma go lebaka la kereke la bohloano, leo e lego lebaka la kereke ya Sarede, S-a-r-e-d-e, Sarede. Gomme motseta go lebaka le la kereke e bile Martin Luther, re ba go tlwaelana kudu le moithuti yo wa Beibele goba morutiši yo, goba moleloko, a ke re, lehono. Gomme lebaka le la kereke le thomile ka 1520 gomme le fedile ka 1750, 1520 go fihla 1750; gomme lebaka la seo re se bitšago “Lebaka la Mphafatšo.” Gomme pelaelo e be e le “Tšhomišo ya maina a bona beng.” Gomme moputso wa mašalela a mannyane a bego a šetše, e le “Go sepela pele ga Gagwe ka seaparo se sešweu, gomme maina a bona ka Pukung ya Kwana ya Bophelo.” A Morena a re šegofatše go re dira bjale.

28 Bjale re thoma go temana ya 1 ya tema ya 3, ya lebaka le la kereke. Molaetša go Sarede, lebaka la mphafatšo. Mašalela a mannyane a a dumelago a šetše, e nyakile go ba ntle.

29 Bjale go bo setlaboswana ba bangwe, nka no bolela se go se mo, gore . . . gore le se be morago ka go yona. O sa le o motala, gomme nako ye nngwe re ya go tla mo re ka kgonago go bea molaetša wa rena ntle go . . . go o thala godimo, go tla morago ga sekgalela le go o beakanya; go ka no e dira Lamorena. Bjale, tše ye nngwe le ye nngwe e emela pel- . . . lebaka la kereke: tee, pedi, tharo, nne, tlhano, tshela, šupa. Ye e thoma ka Filadelifia . . .

30 Gomme *ye* godimo mo e emela ma—ma maatla a pentecostal, goba kereke ye e bego e le ka Pentecost. E be e le kereke ye kgolo kudu mo mathomong, eupša ba ile ba thoma mo—mo—mo moya wa kereke ya leina o etla godimo ka go bona, ba leka go kगतलोफातša Kereke, o bego o bitšwa “Mediro ya Banikolaite.” A le kgona go nkwa moragorago? Ya? Go lokile. “Mediro ya Banikolaite.” Bjale e be e se *thuto* nako yeo. Gomme ka gona re tšere Lentšu ra le ripaganya, e bego se le “mediro,” se bego se le “Bonikolaite.” Ke leina lešele go rena, Nikolaite, kafao ke tšere Segerike gomme ka le ripaganya. Gomme *Niko* e ra “go fenya,” goba “go hlola,” goba go “fekeetša se sengwe.” Nikolaite, *laite* ke kereke, “maloko.” Bonikolaite, me—me mediro ye e bego e leka go fekeetša maloko, le go bea tšhegofatšo yohle . . . gomme yo motee a nnoši go bala Beibele, yo motee a nnoši go fa tlhathollo, e be e tla ba pišopo goba motho tsoko yo mogolo hlogo ya kereke.

31 Ka gona re a hwetša, ka go lebaka la kereke la bobedi, e be e tla thoma go pitlela tsela ntle. Ye e sa le Pentecost; gomme *ye* ke kereke ya leina (d).

³² Bjale, ka go lebaka la kereke la boraro, Peregamo, Pentecost e be e nyakile go pitlhelwa ntle. Eupša thuto ya kereke ya leina, e tšwa go “mediro” *mo*, tsela yohle go ya go “thuto” *mo*. Ka gona ka kgonthe ba fihlela, ba nyalana thwi fao. Ba ile ba nyalana! Se. . . sehlopha se mo se fekeeditše dihlopha tša pentecostal.

³³ Bjale tsela ye ke bolelago yeo baena, yeo ke ntlha ya go botega. Seo ke go ya ka dingwalwa tše kgethwa tša dihistori. Dipuku tša Nicene Council, *Foxe's Book of the Martyrs*, le dingwalwa tšohle tše kgolo tša bogologolo. Ke na le tše dingwe tša dingwalwa tša kgalekgale di lego gona. Gomme yo mongwe le yo mongwe. . . Ke ra se e sego ka. . . E sego gore ke nna Pentecost. Seo ga se re. . . Ge ke re “pentecost,” seo ga se re mokgatlo wo wa letšatši re phelago ka go lona. Woo o no ba le molato bjalo ka ka moka ga yona. Eupša ke ra pentecostal ya kgonthe, Moya wa Modimo wa kgonthe ka Thuto ya setlogo, ka ditšhegofatšo tša setlogo, ka maina a setlogo, ka se sengwe le se sengwe tlwa ka tsela ye se thomago mathomong boka se ile go kgabola Beibelele.

³⁴ Bjale, ka gona ge re etla go lebaka *le*, le bona bokgole bjo Pentecost e tlogo godimo. A le kgona go e bona gabotse mo morago? A le kgona go e hlaologanya tsela morago fao? Go lokile. Bjale, mo go tla, bošego bja go feta, lebaka le legolo le re lego ka go lona *mo*, Constatine, Constatine, *C-o-n-s*; ke tla le bea. Yena, gobeng mohetene, o be a. . . o kgopetše Bakriste ba *mo* (bona ba bego ba ne thuto ya Banikolaite) ge ba be ba ka rapela gore a thope ntwala ye e itšego; gabotse, o be a tla ba Mokriste. Lebakeng la nako yeo ge a be a le ntweng, o lorile toro gore o be e swanetše. . . Ka sefapano se sešweu seo se bego se beilwe pele ga gagwe, o rile, “Ka se o a fenya.” Gomme yeo ke nnete. Nako yeo o tšošitše sešole sa gagwe gomme a thala sefapano se sešweu godimo ga dikotse tša bona, gomme leo e be e le lefelotswalo goba mathomo a tšhepedišo ya Katoliki, leho, e bitšwa Knights of Columbus.

³⁵ Bjale—bjale, Constantine, fao go. . . o ka se kgone go budutša selo go tšwa go dihistori, ka yena ile a sokologa. O be a se selo eupša radipolitiki wa moradia. Ka monaganong wa gagwe o bile le kgopolo go—go kopanya mmušo wa gagwe le go o dira wa go tia. Kafao yena ka go yenamong, go beng mohetene, o be a rapela medingwana; ka gona o bone gore thuto ya Banikolaite e be e nyakile go pitlhelwa ka ntle ga lefelo, kafao o šomišitše leano la go swana le re le hweditšego bošegong bja go feta.

³⁶ Gomme Jesu o e akanyeditšepole mengwaga ye makgolotharo le nne pele e etla go direga, gore o be a tla ruta thuto ya Bileama. Kafao Bileama a go fora bana ba Israele, a ba dira gore ba dire mabohlotlolo le—le go neela. . . le go tšea dilo tše di neetšwego medingwana. Bjale, re a tseba gore “go ja dilo tše di neetšwego medingwana,” se e bego e le sona ka kgonthe, e be e le go rapela. Go ya ka gare, ba be ba kwatama fase pele ga medingwana, ba bea medingwana morago ka kerekeng

ya Bokriste; feela boka Bileama a dirile morago kua, o dirile Israele go dira mabohlotlolo, go ya moketeng wo mogolo wo wa modingwana.

³⁷ Gabotse, Constantine o dirile selo sa go swana ka leano la gagwe, gomme o dirile kereke. O file bontši kudu go Nicene Council, gomme ka gona ba . . . O dirile me—me meago ye mentši ye megolo ye a bilego le yona, gomme o fetoletše ye go ba dikereke. Gomme ka gona o dirile aletara ya mabole ye kgolo ya go kgabišwa ka gauta le mabjebhlokwa. Godimo ka godimo ga fao o beile boka terone, gomme o dirile monna yo motee hlogo boka pi. . . o be a bitšwa nako yeo “pišopo.” Gomme ba mmeile godimo ga terone ye, Boniface wa III o ile a bewa teroneng. E sego feela gore o be a sepela tikologong a apere diaparo boka mo—mo moditšana a dirile, eupša ba mo diretše di—di dikobo tše kgolo tše kaone le go mo apeša boka modimo le go mmea godimo moo le go mmitša “Moemalegatong.” Moemalegatong, goba *Vicarius Filii Dei*, e ra “legatong la Morwa wa Modimo.”

³⁸ Mo, ke go yo a nago le bohlale, thala, ngwala yeo: *Vicarius Filii Dei*. Gomme ka gona ge o thala mothalo ka fase mo le go hlakanya dinomoro, gomme o na le tlwa se Modimo a rilego leswao la sebata e be E le sona: makgolotshela le masometshela tshela. Le a bona, *Vicarius Filii*. . . Bjale, ke bile ka Roma gomme ke bile ka Vatican. Gomme mphaphahlogo wa tharo: maatlataolong a hele, legodimo, le phekatori. Le a bona? Ke bone mphaphahlogo, ke bone besete, ke bone tšohle, thwi kua.

³⁹ Gabotse, ka Labone morago ga sekgalela ka iri ya boraro ke be ke swanetše go kopana le mopapa wa *mafelelo* yo a bego a le fao. Baron von Blomberg o bile le . . . gomme ka gona o rile, “Bjale, ge o eya kua, Ngwanešu Branham, selo sa mathomo o swanetšego go se dira ke go kwatama fase ka letolo la gago le letona gomme o atle palamonwana yela.”

⁴⁰ Ke rile, “Seo se tšwele. Seo se tšwele. E no se lebala.” Ke rile, “Ke neela. . . Ga ke ne selo kgahlanong le monna, yena. . . ? . . .” Eupša ke rile, “Go ne selo setee, ke tla fa monna thaetlele ya gagwe. Ge a le ‘Moruti,’ Seo se lokile, ‘Pišopo, Mogolo, Ngaka,’ eng kapa eng, ke tla saluta monna ka lethabo. Eupša go dira thapelo go monna? Ke kolota tlhompheo ya ka go monna yo motee: Jesu Kriste. Yoo ke monna a nnoši ke tla kwatamago pele ga gagwe.” Ke rile, “E no e lebala. E no e khansela.” Ke be nka se e tšee. Gomme kafao ke . . .

⁴¹ Morago ga go tla gae ke hweditše gore go bile Moamerika yo mongwe yo mogolo o dirile seo, le yena, Teddy Roosevelt. O ganne go e dira ka lebaka la . . . Le elelwa seo ka go histori? Gore o ganne go bona Mopapa gobane o be a swanetše go atla palamonwana ya gagwe goba . . . Ba bile le yona godimo ga monwanamogolo wa leoto, le wona, le a tseba. Kafao. . . Oo, aowa. Aowa, seo se tšwele. Kafao ka gona . . .

⁴² Go le bjalo, ka go . . . Bjale, bjalo ka ge Bileama . . . Ka gona re hweditše bošego bja go feta, godimo . . . Bjale, mo pele, pele re tloga mo, ba kopantše kereke le go nyalana, ba ba le dikgopolo tsoko tša bohetene, medingwana ya bohetene yeo e bego e le ka kerekeng. Modimo wa Jupitere, modimo wa letšatši, modimo wa Mars, modimo wa Venus, le medingwana yohle yeo ya badimo gomme o e tšere yohle go tšwa go dikereke tša bohetene; gomme a bea Paulo godimo, Petro, Maria kgarebe, yohle yeo, gomme o rile, “Moemalegatong wa lena šo gobane Jesu o boditše Petro, ‘Ke go nea dikgonyo,’ gomme ke mohlatlami wa boapostola.” Yeo e sa le thuto ya Katoliki go fihla letšatši le. Gomme ba beile medingwana godimo. Gomme ba dirile eng? Ba tlišitše borapedi bja medingwana ka go Bokriste, se se bitšwago Bokriste; e sego Bokriste bja kgonthe, gobane mapentecostal a mannyane . . .

⁴³ Bjale elelwang, ga ke re . . . Ga k se ka re, “Baptist, Methodist, Presbyterian,” bohle ba ka gare. Eupša ya kgonthe, ya mmapale athekele ya Modimo e be e le pentecost; e bile, ke yona, gomme ka mehla e tla ba! Moo ke mo Kereke e thomago, thwi fa ka Maatla a Pentecostal.

⁴⁴ Bjale, o re, “A yeo ke nnete, Ngwanešu Branham?” Ke tla le kgopela go tšea dihistori, gomme le lebelele go theoga go kgabola moela wa nako go fihla mo, gomme le hwetše ge yo mongwe le yo mongwe wa bao ba kgonthe, bana ba therešo ba Modimo ba be ba se ba swarelela go Tšhegofatšo yela ya Pentecostal; ba boletše ka maleme, ba hlatholla maleme, ba bile le maswao le matete, ba kolobeditše Leineng la Jesu Kriste. Se sengwe le se sengwe se baapostola ba se dirilego, ba se dirile le bona, thwi go theoga go kgabola kua. Ke ka lebaka leo ka kua, go baleng histori, ke tšere Paulo le Irenaeus le—le—le—le go thegela go Mokgethwa Martin, Columba; yo mongwe le yo mongwe wa banna bao o (go tokologela fase ka go lebaka le mo), o bile le maswao le matete.

⁴⁵ Go lokile. O rile ba be . . . setšeamantšu se be se ne bonnyane . . . A seo se kaone? Go lokile. Aowa, ba šikinya dihlogo tša bona, ga ba kgone go kwa le gannyane bjale, Billy. Go lokile. A le a kgona . . . ? A o . . . ? Bjale, le a nkwa bjale? Bjale, seo se bjang? A seo se kaone? Ya? Yo mongwe le yo mongwe o re, “Go lokile.” Paulo, woo ke moputso o tee kgahlanong le wena. Go lokile, gabotse.

⁴⁶ Bjale, ka go lebaka le mo nako yeo ge a dirile selo se segolo se setona se, le go bea godimo monna yo mo bjalo ka pišopo tšekelele ka godimo ga dikereke tšohle, go ba fa tšhelete ye ntši le go ya pele, gomme o ba tshepišitše, gomme o kgonne go kopanya kereke le mmušo mmogo, gomme a dumelela kereke go laola mmušo. A mo dira monna yo mogolo. Gomme kafao ke tlwa . . . Se Constantine a se dirilego ke selo se swanago re se hwetšago godimo ka go kereke ye nngwe ye, ke seo Modimo a se boletšego; gore, ka matšatšing a Eliya, gore ba tlogetše mosadi yola Isebele go gatelela bana ga Gagwe; ke seo se diregilego ka go Lebaka la

Leswiswi. Gomme lebelela mo fao Pentecost e lego bjale. Nna, nna! A no e swiswatša. Gomme e ka ba mengwaga ye sekete, e . . . go thoma e ka ba 500 go fihla 1500, thwi, yeo ke 606 go fihla '530 . . . '520, ke nomoro tlwa, eupša thwi go mengwaga ye sekete. Ba tla . . . tlhomaro ya go kgaphamadi. Bala histori.

47 Bjale, Mokatoliki o tla go botša gore kereke ya Bokriste, ba be ba le kereke ya Bokriste. Ke bona *ba kereke ya leina* ya Bokriste. Eupša bopentecost bja nnete bo ntšhitšwe, bo bolailwe, gomme bo bolailwe, gomme bja išwa lehung ke mopapa le dipišopo le go ya pele, go kgaphamadi ka mo e ka bago.

48 Bjale, letšatši le lengwe e ya go ntšea bophelo bja ka, le a bona, go bolela seo. Eupša seo ke se sengwe kgonthe, ke tseba tsela ke ya go go yona, bjale ke a tseba. E no tšwelapele e rotha madi. Eupša ke go hwetša iri bjale, ye o e bonago go ya ka se se diregago ka nageng gore ga e ye go diega. O se tsoge wa ithekga go Seo! Yeo ke Therešo. Dula thwi le Lona. Hlakanya madi a gago bjalo ka bona ka go letšatši lela.

49 Bjale, ka go se o bona se se diregilego. Kagona ka go se thutotaelo ya Isebele e tsena ka gare. Isebele e be e le mosadi, mohetene yo . . . Ahaba o dirile sa go swana se Constantine a se dirilego; go nyala mosadi yo go matlafatša mmušo wa gagwe, gomme a tliša go rapela medingwana ka Israele tlwa go swana le ge Constantine a dirile morago fale. Gomme Pentecost e nyakile e fedile moka.

50 Bjale, Modimo o tsošeditše godimo Martin Luther. Ke nyaka o ele hloko ka fao e tšwelago ntle *mo* gomme ya timelela go felela, gape sabakanyana ya tšwelela *mo*, gomme ya tla tlase *mo* gape. Gomme ke bile mohuta wa go maraka go kgabola go seo gobane ke—ke thuto ye kgolo ya Lamorena bošego, ge Morena a rata.

51 Bjale—bjale, ke a dumela gore re mohuta wo o swerwego bjale fao re lego gona. Bjale, thwi ka *mo* ka go—go Lebaka la Leswiswi, thwi mo, go thoma 1500 . . . go thoma 606 go fihla 1520. Thwi ka go se. Ke tla bea se mo gore le tla . . . 606 go fihla 1520. Leo ke Lebaka la Leswiswi, kereke ye thwii *mo*, Lebaka la Leswiswi. Bjale, kereke ye re tlogo go yona bjale ke kereke ya Lutheran.

52 Bjale, e ka ba yo mongwe le yo mongwe morago fale, batho bale ba hwile ntle ka go . . . Batho ba bjalo ka Irenaeus, le Martin, le Columba, gomme ba fedile moka. Gomme bjale o tšea mang kapa mang yo a nyakago go puruputša morago go histori e ka ba efe o nyakago go dira, ge e le histori ya nnete, gomme ka gona ge ba go botša gore “Mokgethwa Patrick o be a le Mokatoliki,” ga ba tsebe se ba bolelago ka sona. Mokgethwa Patrick o gwabetše kereke ya Katoliki, gomme ga se a tsoge a ya Roma, gomme o ganne thuto ya bona ntle le go šikinyega. Yeo ke nnete tlwa. Eya leboa la Eng- . . . goba Ireland lehono, gomme o tla bona selo sa go swana. Mokgethwa Patrick e be e le monna wa Modimo!

Eupša, Mokgethwa Patrick, ge go boletšwe ka kua gore o—o rakile dinoga tšohle ka Ireland, yeo e be e le nonwane.

⁵³ Ke ba bakae ba lena ba kilego ba bala goba go kwa ka William Tell a thunya apola go tloga hlogong ya mošemane wa gagwe? Yeo ke nonwane ya Katoliki, ga se gwa tsoge gwa ba lentšu ka yona bjalo. Ke be ke le fao moo e bego e swanetše go direga. E ngwadilwe godimo fao, “nonwane, ga go bjalo,” ka Switzerland. Billy le nna re be re dutše thwi fao kgauswi le Letsha Lucerne mo a dirilego se—se selo e bego e le, o thuntše monna; yeo ke therešo, eupša e sego apola go tloga hlogong ya mošemane wa gagwe. Yeo e no ba nonwane, ditumelokhwele le dilo, ga se gwa ke gwa ba bjalo. Ga ba ne rekoto ya yona kua, moo e diregilego goba e ka ba eng, se ba kilego ba se dira. Gomme ka kgonne e mo tšholla ntle kua le go bolela se se bego se le sona. Bjale, eupša ka go ye, gabotse ga se histori ye e rego o e dirile. Le a bona.

⁵⁴ Kafao bjale ka mo, ka go lebaka la kereke, ke mo e nyakilego go nyamalala, go tloga go beng gona ka go felela. Bjale ka go lebaka le lengwe le go tla lebaka la Mphafatšo. Bjale, dilo tše fa ka morago ga mengwaga ya go nyaka go ba sekete ya boso le leswiswi le go nyamalala, le go ya pele ka mokgwa woo, kereke e bile mohuta wa go lahlegelwa ke pono ya Irenaeus. O be a le monna yo mogolo, monna wa bomodimo. Kafao e bile makgolo a mantši a bakgethwa bao ba bohlokwa bao ba filego madi a bophelo bja bona feela ka go lokologa (ke be ke eme ka go arena yela) ka mo ba kgonnego, le a bona, bakeng sa taba ya Kriste, bakeng sa kolobetšo Leineng la Jesu Kriste, bakeng sa go bolela ka maleme, tsogo ya Jesu Kriste a phela ka bophelong le ka go bogona bja Gagwe bjo Bokgethwa kua, mola batho ba ba *ipitšago* Bakriste bonabeng ba be ba ba hlomere. Yeo ke nnete. Yeo ke tlwa.

⁵⁵ Oo, ke ma—ke ma madira a go dirwa matimone a go swanelwa ke hele ga-ke-tsebe-eng. A tla godimo ka mokgwa woo le go ipopa bonabeng le go itira yenamong, “a ipitša yenamong moprofetagadi, mohlatholli yo mokgethwa wa Lentšu, ga go yo mongwe a le tsebago eupša bona.” O ipitša yenamong, eupša ke moaketši. Le a bona? Moo le a bona. Eupša ka go nako ya go swana; o na le morongwa wa Gagwe kua, ka Therešo. Therešo ka mehla e tla ya morago go Le. Le a bona? Ka mehla e ya morago go la setlogo, gobane Modimo ga a tsoge a fetoga go tloga go Leo.

⁵⁶ Bjale, re hweditše gape, bošegong bja go feta, pele re tlogela ye, kafao gore e iketle ka pelong ya gago. Ga se fela gore . . . Ka sekai, Isebele, o bile le mo—mo morwedi. Le elelwa seo? Gomme Kutollo 13 e rile kereke ye ya bokgelogi, Roma, e bile le barwedi. “O be a le mmago bommalegogwana.” A yeo ke therešo? Isebele o bile le morwedi, gomme Isebele o dirile eng ka morwedi wa gagwe? Le bona ka fao dilo tšohle tše, dikai le merithi. Isebele o

bone gore morwedi wa gagwe o nyetše Jorama, e bego e le morwa wa Jasefate ka Judea.

⁵⁷ Israele e be e arogane ka nako yeo, ka mokgwa wo. Jerusalema še *mo*, gomme Juda še *mo*. Gabotse, Ahaba o be a le *mo*, gomme Jorama o be a le *mo*. Go lokile, Isebele o bile le *ye* e fentšwe, Israele yohle e tšere medingwana. Ka gona . . . (Bohle eupša Eliya le sehlopha se sennyane sela sa go botega.) Go lokile. Bjale, godimo ka lehlakoreng *le go be go le* Jorama godimo ga Juda; gomme ge a bile le lesea ka Ahaba, o tšere mosetsana yo gomme a mo nyadiša morwa wa Jorama . . . goba morwa wa Josefate e bego e le Jorama, gomme a tliša bodiredi bja medingwana ka Juda, le go bea dialetara tša bohetene ka Jerusalema.

⁵⁸ Seo ke tlwa se kereke ya Katoliki e se dirilego! O hlomile thuto ya gagwe ya kereke ya leina le go ya pele, gomme e ripa Moya wo Mokgethwa go tšwa kerekeng fase *mo* ka morwedi wa gagwe (Lutheran, Methodist, Baptist, Pentecostal, le go ya pele). Seo ke tlwa se a se dirilego. Beibele e rile, “Yena ke mmago bommalegswana.”

⁵⁹ Bjale, e nong go lebelela go kgabola Mangwalo. Le bona—le bona e ka ba eng ka mokgwa e ka ba ofe go fapana ka go Lengwalo, gomme histori e tia thwi godimo ga wona maswao a go swana, le tle go nna bjalo ka bakgomana. Le a bona? Yeo ke nnete. Ga e gona fao!

⁶⁰ Dikereke tše tša maina ke selo sa mpholo re kilego ra ba le sona ka go Boprostestant, go leka go dira batho go buša kereke, seswantšho se sengwe boka setee se dutšego teroneng yela. Pišopo hlogo, baokamedipharephare wa Pentecost, “Gabotse, bjale, anke ke bone, thuto ya gagwe ke eng? Oo, o kolobeditše Leineng la Jesu? Ga a kgone go tla ka go le. Aowa, mohlomphegi, baena. Lena E ganeng.” Gomme yeo e gannwe le yona. “Ke tla le fa le kwešiše, go se be le e ka ba mang wa le a yago kopanong yela godimo kua. Megogorupo fase. Ga go kgathale o babja bjang, ema mantsara, ga go kgathale se Modimo a se dirago. Ge o sa lebelele ka digalase tša rena, gobaneng, ga o bone le gatee.” Ba rwele seswantšho sa sebata! Gomme seswantšho se bile le bophelo go bolela. Yeo ke therešo tlwa. Ga le nagane gore o kgona go bolela, e no thitša nthathana gannyane nako ye nngwe. Uhuh, ka nnete o ka tsena bothateng.

⁶¹ Ke a elelwa, ka Tulsa, Oklahoma, ke be ke . . . Oo, ke be tsena ka go tlhakanantswiki ya go šiiša kua, tšona dikereke tša maina tša thoma go kgelempua go dikologa kua. Gomme ke be ke dutše ka moagong wo letšatši le lengwe gomme ke bone po—po pono. Ke bone ye—ye nnyane . . . ye botsana, katsana ye nnyane ya kgale, gomme e be e robetše godimo ga mosamelo wa siliki, gomme e be e le moisa yo monnyane yo mobotsanabotsana. Gomme ke sepeletše godimo kua (ke boifa katse), gomme ke ile

godimo gomme ka thoma go e boboela gomme e be e re, “korro, korro.” Le tseba ka mo di dirago lešata la go se tlwaelege, le a tseba. gomme ke be ke e boboela, ke rile, “Ye botsana, katsana ye nnyane.” Gomme e rile, “korro,” feela gabotse, le a tseba.

⁶² Gomme ke lebeletše godimo ka morago ga mosamelo wa gagwe, o rile, “katsana ya Pentecostal.” Gabotse, ke naganne, “Bjale, a seo ga se makatše.” Gomme ke rile, “Ye e swanetše go be e le pono.”

⁶³ Gomme Sengwe se rile, “Ge feela o boboela boya bja yona ka tsela ye, go lokile; eupša bjale ge o nyaka go bona se e dirilwego ka sona, boboela boya bja yona go ya morago.” Le a bona? Kafao ge ke boboela boya bja gagwe go ya morago, wona mahlo a tomoga, a matala, gomme e be e le nkokoi e eme fale e ntshwela thata ka mo e bego e kgona. Le a bona, e no boboela boya bja yona go ya morago gannyane nthathana. Mmotše kolobetšo ya gagwe ka go “Tate, Morwa, le Moya wo Mokgethwa” ke ya diabolo le ya kereke ya Katoliki, šetša se se diregago go yena. Le a bona? Boya bja gagwe bo a tšhiremologa.

⁶⁴ Ke tlile tlase, ka re go Ngwanešu Gene le bona, tlase ka go . . . oo, Ngwanešu Leo le bona, ke rile, “Ka nnete ke bile le pono ya kgontho ya dikereke tša maina tša Pentecostal ka go ye.”

⁶⁵ Bjale tema ya 3, sa pele anke . . . Sarede ke kereke ye e hwilego. E hwile gobane ba bolailwe lebakeng la nako ye. Monabo wo monnyane feela wa Bophelo, re tla hwetša metsotsong e se mekae se e bego e le sona, feela ka go nthathana gannyane. Go tloga go 1520 go fihla go 1750 e bile Lebaka le la Sarede. Gomme naledi, goba morongwa wa . . . Naledi ye e bego e le ka seatleng sa Gagwe, e be e le morongwa goba motseta wa lebaka leo la kereke. A go kwešišega ka go hlaka? Gore naledi e be e le morongwa, gomme morongwa ke motseta go lebaka leo. Go lokile. Go lokile.

⁶⁶ Bjale re feditše ka Nicene Council. O hwile morago kua, gomme tšohle di tla ka maatleng le letago, kereke le mmušo di kopane. Gomme a e ka ba mang o a elelwa se thuto e se boletšego bošego bja go feta, se bontši bja batho bale ba se naganne? “Mileniamo o be o kgalampana.” Gomme bohle ma . . . “Ba tliša Mileniamo ka gare ntle le go tla ga Kriste.” Le a bona? Go tla ga Kriste go gorōša Mileniamo, selo sa pele. Gomme ka matšatšing ao ba bile . . . Ge le tšea histori, le a hwetša ba bile le boJesu ba maaka ba tsoga le se sengwe le se sengwe gape, le a bona. Gomme ebile ba naganne gore mopapa e be e le Jesu, ba mmitša *moemalegatong*, “legatong la Morwa wa Modimo.” Ya, modimo yo mogolo yo mokgethwa, boka, o dutše kua.

⁶⁷ A ke le botšeng selo se sengwe. Beibele e boletše gore ge Jesu a etla . . . pele A etla, “Go tla tsoga baprofeta ba maaka fao, gomme go tla tsoga boJesu ba maaka.” Yeo ke nnete. “Bona, mo . . .” Eupša anke ke no rothetša se ka pelong ya gago: go

ka se tsoge gwa ba Jesu yo a beago leoto godimo ga lefase le go fihla Kereke e hlatlošitšwe le go sepela. Bjale, e nong go bea seo ka monaganong wa lena, gobane go tla ba bokriste ba maaka ba tsoga. Eupša Jesu o tla be a se mo lefaseng; gobane phalafala e a galagala, gomme ga A tsoge a tla, re kopana le Yena ka moyeng. Kereke e šetše e sepetše. Gomme ka gona ge Jesu a tšwelela, e tla ba go bowa morago. Bantle ba ya go Mo gahlanetša ka moyeng. A leo ke Lengwalo? Le a bona? Ba ya go Mo gahlanetša ka moyeng, gomme ka gona re ya godimo. Gomme Jesu o . . . ga a tsoge a bea maoto a Gagwe lefaseng go fihla Kereke e hlatlošitšwe le go tšeelwa Gae gomme Selalelo sa Lenyalo se godimo ka Legodimong; morago O bowa morago go lata mašalela a Bajuda.

⁶⁸ Kafao bjale go be go fedile, sa go latela Nicene Council, kereke e bile—e bile ka tlase ga pušo ya mopapa e nyakile go ba mengwaga ye sekete. Ba bolaile bohle ba ba gananego le bona. Yeo ke nnete. E ba gore o tla ka tlase ga yeo goba o be o—o be o—o be o bolawa, boka Isebele a dirile go Israele.

⁶⁹ Moya wo Mokgethwa o be o tlogile go felela eupša feela ba sego nene go lebaka le, boka Eliya le mašalela a Israele ao a sego a kwatamiša letolo pele ga Bileama. Ge o rata go bala yeo tlase kua, yeo ka Dikgoši tša Pele, tema ya 19, le temana ya 18, ge Eliya a be a eme morago kua ka leweng gomme o rile, “Morena, ba—ba bolaile baprofeta bohle ba gago. Ba dirile se sengwe le se sengwe, gomme nna—Ke nnoši. Gomme ke nna ke nnoši yo ke phonyokgilego.” Eupša Modimo o mmoditše O be a na le makgolo a mmalwa nako yeo ba ba sego ba ke ba koba letolo la bona pele ga Baali, ka go maloko ntle kua.

⁷⁰ Gomme kafao, Sarede, bjale re a thoma. Lona lentšu *Sarede*, temana ya 1. Lentšu *Sarede*, ka mareo a Seisimane, le ra, ge le nyaka go le lebelela, le ra “yo a phonyokgilego.” *Sarede* wa therešo e be e “yo a phonyokgilego.” Seo ke se *Sarede* e se rago, go lokile, “yo a phonyokgilego.” Bjale, le a bona, gomme “yo a phonyokgilego.”

⁷¹ Bjale re ya go thoma go ya 1. Yona . . . Re ya go e bitša *lebaka la Mpshafatšo* gomme ke selo sa go swanela bakeng sa mpshafatšo ye ge re swanetše go le bitša seo, gobane ke . . . Mpshafatšo e be e le “bao ba phonyokgilega” ba ba tlilego gomme ba phonyokga go tloga go lona.

⁷² Bjale a re tšeeng temana ya 1:

. . . go morongwa wa kereke ya *Sarede ngwala*; *Dilo tše go boletše yena yo a nago*. . . *Meoya ye e šupago ya Modimo, le dinaledi tše di šupago; ke tseba modiro wa gago, gore o na le leina gore o a phela, gomme o hwile.*

⁷³ Bjale madume. Bjale, Meoya ye e šupago ke . . . “Meoya ye e šupago le dinaledi tše di šupago.” Meoya e be e le barongwa bao ba ilego go dinaledi e bego e le batseta. “Meoya ye e šupago,”

makga a go fapana a a šupago Moya wo Mokgethwa o ba o tla tlotša motseta, e bego e le naledi ka go letšatši la gagwe. Mo—mo Moya ke wa ka Gosafelego, gomme naledi ye e bego e diretšwe morero go bonagatša Seetša ka go leswiswi la mabaka a a kereke moo dikerese le dinaledi di emelago. Morongwa, Moya, e bile wona wo o ilego go naledi le go bonagatša Seetša sa Moya wo Mokgethwa ka naledi ye go lebaka leo la kereke. Gore, le ke le tsebe. . . ke a makala Meoya ye e šupago ke bomang. Ke batseta ba ba šupago ba mabaka a kereke a a šupago. Le a bona? Bjale, gomme nako ye nngwe le ye nngwe ye naledi e tliilego ka gare mo tiragalong, Moya wo Mokgethwa o tliile fase le go tlotša naledi yeo le go e boloka tlwa boka ya mathomo e bego e le.

74 Bjale anke—anke ke tiišetše seo go lena. Paulo o rile, ge le nyaka go tseba o be a le naledi ya mohuta mang. Gobane, elelwang, Sathane ke naledi, le yena, naledi ya moso. Bjale hlokomelang, Paulo o rile. . . A le a dumela o be a le naledi go kereke yela ya Efeso? O rile, bjale, ge le nyaka go tseba ge eba Ke therešo goba aowa. Ka go Bagalatia 1:8, Paulo o rile, a bolela kua, gore ka morago ga nako go tla tla, gomme diphiri tše šoro le go ya pele, o rile, “Ge morongwa a etla fase go tšwa legodimong gomme a ruta ebangedi e ka ba efe. . .” (Bjale, o tsebile monna yo o be a etla yo a lebegago boka morongwa le *moemalegatong* yo mogolo.) O rile, “Ga go kgathale ke eng, ge morongwa e ka ba mang goba e ka ba mang a ka tsogego a tla gomme a ruta e ka ba selo se sengwe ntle le Ebangedi ye re le rutilego yona, a a be morogwa.” A yeo ke nnete?

75 Paulo ke yena a ba phegeletšego go kolobetšwagape ge ba be ba se ba kolobetšwa Leineng la Jesu Kriste, “Etlang gomme le kolobetšweng gape gore le amogele Moya wo Mokgethwa,” Ditiro 19:5. Gape e bile yena yo a beilego diatla godimo ga batho, le dimpho, le go bea kereke ka lenaneo le go šoma ga mehlolo, phodišo Kgethwa, dimpho tša maleme, tlhathollo ya maleme. A yeo ke nnete? Bakorinthe ba Pele12, bona se Paulo a se boletšego. Bakorinthe ba Pele 12, gomme le tla se hwetša. O beile ka kerekeng. . . Modimo o beile ka kerekeng dimpho tše kgolo tše; gomme Paulo o di beile ka lenaneo, le go di bea ka lenaneo gore di kgone go šoma bakeng sa letago la Modimo. Paulo o boletšwe seo. Ka gona ge motho e ka ba mang, ga go kgathale ke wa kereke efe ya leina, yo a lekago go le botša gore matšatši a go bolela ka maleme, tlhathollo ya maleme, phodišo Kgethwa, le mehlolo, le bohlatse bja Moya wo Mokgethwa bjalo ka kolobetšo. . . a a be morogwa. Ka gobane Moya wa go swana wo o bego o le godimo ga Paulo e tla ba Moya wa go swana wo wa go romelwa go lebaka la kereke la go latela, go swana go lebaka la kereke la go latela, le go swana go latela go ya pele go theogela ka go mafelelo a lebaka la kereke. Moya wa go swana, Moya wo Mokgethwa. A le dumela seo?

76 Ge le ka hlokomela se, se se ngwadilwe mo. Mongwadi o tsebile. Lebelelang, “Meoya ye e šupago.” Šetšang: tlhakakgolo “M,” Moya wo Mokgethwa, yo motee feela wa bona. Uh-huh. Moya wo Mokgethwa wa go swana o tla makga a šupago go mabaka a kereke ohle a a šupago o hlatsela Seetša sa go swana. Le a e hwetša bjale? Mabaka a kereke a a šupago, makga a a šupago Moya wo Mokgethwa wo o be o tla rwala Molaetša wo wa go swana! Wo o bego o tla bega thogako go e ka ba mang yo a bego a ka O fetola.

77 Bjale bonang ge yeo e sa hlatselane le kutollo ya selo ka moka. O rile, “Mang kapa mang a ka fokotšago goba a oketša go, wa go swana go tla tšewa (karolo ya gagwe) go tšwa Pukung ya Bophelo.” Seo ke selo sohle se akareditšwe godimo gona. Kafao ga go sekgoba go wena go taboga goba go pitletša e ka ba lefelo lefe gape, le a bona, gobane woo ke Wona. Seo ke se Modimo a se boletšego, seo ke se Moya o se boletšego, gomme ke se Dikereke di se boletšego. Bjale, ge o leka go gapeletša ka go mohuta e ka ba ofe wo mongwe wa thuto ntle le se Paulo a se rutilego, ke phošo! Beibele e nepile. Bophelo bja Gagwe. . . Jesu o rile, “Ke tla tšea karolo ya gagwe go tšwa Pukung ya Bophelo.”

78 Bjale, o re, “Karolo efe ya Puku ya Bophelo?”

79 Go na le batho ba bantši ba nago la maina a bona ka Pukung ya Bophelo bao ka nnete ba yago go šitwa. Le tseba seo, a ga le? Le elelwa thuto yela bošegong bjo bongwe? A le e hweditše? E ka no ya ka godimo ga seo; ga e kwagale gabotse gabjale; ga e kwege gabotse, le a bona.

80 Judase Iskariote o be a le morwa wa Sathane, o be a le diabolo a bonagaditšwe ka nameng. Beibele e rile o be a le. Beibele e rile, “O tswetše a le morwa wa molahlegi.”

81 Šetša se motsotso feela. Bjale, mo go *se* e be e le Jesu; *mo* e be e le lehodu go la Gagwe le letona; *mo* e be e le yo mongwe go la Gagwe la ngele. Bjale, ge. . . Jesu o be a le Morwa wa Modimo. A yeo ke nnete? Bjale, batho ba bangwe ba bona feela difapano tše tharo, eupša go be go le tše nne. Difapano tše nne! Bjale, sefapano ke eng? Ke mohlare. A yeo ke nnete? Beibele e rile, “Morogwa ke yo a lekeletšego mohlareng.” Gomme O dirilwe morogwa bakeng sa rena, O lekeletše godimo ga mohlare. O be o ripilwe, eupša e be e le mohlare. A yeo ke nnete? Go lokile. Fase *mo*, patogeng ya thaba, go be go eme se sengwe. Judase o itekeletše yenamong godimo ga mohlare wa mosikamoro. A yeo ke nnete?

82 Lebelelang! Morwa wa Modimo šo; o tšile go tšwa Legodimong, o boela morago Legodimong, o tšea le Yena modiradibe yo a sokologilego. Morwa wa molahlegi šo; o tla go tšwa heleng, o boela morago heleng, o tšea le yena (“Ge O le!”) modiradibe wa go se sokologe. Le a bona, modiradibe wa go se sokologe, “Ge O le Morwa wa Modimo, iphološē Wenamong le rena gape.”

83 Yo mongwe *yo* o rile, “Rena re. . .” (a rera, moreri yola wa Ebangedi) “Re swanelwa ke se re se hwetšago, eupša monna yo ga se a dira selo. Morena, nkgopole ge O etla ka Mmušo wa Gago.” Yoo e be e le mang?

84 E be e le. . .? . . . bonnyane nthathana bošego bja go feta goba bošego pele. *Yo* ke Abele wa Modimo; Kaine wa diabolo šo. Bjalo ka ge Kaine a bolaetše Abele aletareng, Judase o bolaetše Jesu aletareng. Yeo ke nnete. Muši o nno rotogela godimo moragorago *kua* ka Edene le go dula fase thwi *mo* gape. Seo ke tlwa.

85 Oo, Ke letago, tsela yela ya kgale, tsela ya kgale ya go šegofala, go no tlala letago.

86 Bjale, bjale re a hwetša mo (Ntshwareleng.) gore kereke ye ya Sarede, go morongwa, O rile, “Meoya ye e šupago; Yo a nago le Meoya ye e šupago.”

. . . *go morongwa wa kereke ya Sarede ngwala; Dilo tše go boletše yo a nago le Meoya ye e šupago ya Modimo, . . .*

87 Gomme bjale ke ba bakae ba tsebago gore Modimo ke Moya o tee? Nnete. Modimo, Moya wo Mokgethwa. Modimo, Tate, Moya wo Mokgethwa, bohle Motho wa go swana, gobane Maria o imile ka Moya wo Mokgethwa. Bjale, mo. . . eupša Modimo o šomišitše Moya wo Mokgethwa wo ka go Dietša tše di šupago tša go fapana tša boebangedi go Kereke, mabaka a a šupago a kereke. Le a e hwetša? Mabaka a šupago a kereke.

88 Bjale, le re, “Modimo ga a dire seo.” Oo, ee, ngwanešu.

89 Lebelelang! O šomišitše Moya wa Eliya, gomme ge Elisa a sepetše. . . Eliya a sepetše, Elisa o amogetše karolo gabedi ya Wona. Gomme ge Elisa a babjitše le go hwa, nako yeo O tlile morago gape godimo ga Johane Mokolobetši. Selo sa go swana, go mo dirile a dire feela boka Eliya a dirile, a phela ka lešokeng le go ya pele. A yeo ke nnete? Gomme o akanyeditšwepele go tla gape ka matšatšing a mafelelo, le a bona. Modimo o šomiša Moya thwi go ya pele go theoga.

90 Gomme Jesu o be a tloditšwe ka Moya wo Mokgethwa, o ile go dikologa a dira dilo tše botse. A yeo ke nnete? Gomme Moya wo Mokgethwa wa go swana o be o le godimo ga Jesu, o tlile morago ka go Kereke ka Letšatši la Pentecost, o tla thwi morago ka go lebaka la go latela, lebaka la go latela, lebaka la go latela. Gomme ke Eng? Wa go swana le wonamong Moya wo Mokgethwa. Oo, a ga le bone? Modimo ka godimo ga rena; ka go Tate, Modimo le rena, ka go Morwa; Modimo ka go rena, ka go Moya wo Mokgethwa. Ke diofisi tše tharo, gomme e sego badimo ba bararo. Le a bona? Gomme dithaetlele tše tharo tšeo (Tate, Morwa, le Moya wo Mokgethwa) ke tša Leina le tee: Jesu Kriste. Go lokile.

⁹¹ Bjale, šetšang bjale ge re eya pele. “Meoya ye e šupago,” go boletše Yo a swerego. . .Ka mantšu a mangwe, “a swerego batseta ba Gagwe.” Batseta ba ba tla tlotšwago ka Moya wo Mokgethwa, ka wona Moya wo Mokgethwa wo wa go swana wo Paulo (wa mathomo) a go tlotšwa ka wona, wa bobedi, wa boraro, wa bone, wa bohlanano, wa boselela, le wa bošupa, bona bohle ba ka seatleng se setona sa Gagwe. Oo, ba hwetša maatla a bona le Seetša sa bona go tšwa go seatla se setona sa Gagwe.

⁹² Bjale, O rotogetše Godimo. Gomme Filipi o rila, ge a be a ehwa. . .Goba Stefano o rila, “Ke bona magodimo a bulegile, gomme mo. . .gomme Jesu o dutše ka seatleng se setona sa Modimo.” Seo ga se re gore Modimo o na le seatla se segolo se setona sa go ja gomme O dutše go sona, eupša *seatla se setona* se ra seatla se setona sa “maatla le maatlataolo.”

⁹³ Mmele wola wo Modimo a o hlotšego. . .“Nka se tlogele Mokgethwa wa Ka yo Motee a bona go bola, ebile Nka se tlogele soulo ya Gagwe ka heleng, eupša o Mo tsoitše le go Mmea legatong la Moya godimo ga aletara.” Šetšang! Ge ba Mmona—Yena a dutše godimo ga aletara, gomme a ne Puku ka seatleng sa Gagwe, gomme ga go motho lefaseng goba ka fase ga lefase, goba e ka ba kae, a bego a ka kgona goba a ne maswanedi ebile le go lebelela Puku; eupša Kwana ye E bego e hlabilwe go tloga motheong wa lefase, moragorago kua mathomong ge A naganne ka mmele wo wa go lopollwa, e tlile le go e tšea go tšwa seatleng se setona sa Yo a dutšego godimo ga Terone, le go dula fase, Yenamong. Amene. Ke lena fao. Ao ke Mangwalo. E no ba mo gobotse, le a bona.

⁹⁴ Bjale, “Yo a fenyago o tla dula le Nna godimo ga Terone ya Ka, bjalo ka ge Ke fentše gomme ke dutše godimo ga Terone ya Tate wa Ka.” Ka mantšu a mangwe, “Ke tšere ka gare ga mmele wa Ka Moya wo Mokgethwa. Ke fentše dilo tšohle tša lefase (go kgabola moleko) ka Moya wo Mokgethwa, le go tšea taolo!” (“Gomme ka go Yena go dula botlalo bja Modimohlogo mmeleng.”) “Maatla ohle ka Magodimong le lefaseng a neetšwe ka diatleng tša Ka,” O boletše. Maatla ohle! Gona Modimo ke mohlokamaatla ge A le motho yo mongwe. Gobane Beibele e rila, Jesu o rila, morago ga tsogo ya Gagwe, gore “Maatla ohle Legodimong le lefaseng, bobedi, a neetšwe ka seatleng sa Ka.”

⁹⁵ Gomme Jesu o tla go tšwa Legodimong le Bakgethwa ba Gagwe ba dikete tše lesome atiša ka dikete tše lesome, gomme Beibele e bolela gore “Magodimo a be a se ne selo lebaka la sekgala sa seripa sa iri.” Moisa yo mogolo yo o kae, Modimo, gona? Uh-huh. Le a bona? O ka go Kriste. Nnete! Gomme bjalo ka ge re fenya ka Moya wo Mokgethwa boka a dirile, re tla dula le Yena ge A tšea terone ya lefase ya Dafida, go dula le go buša le Yena feela boka A dirile godimo Kua, (Amene!) ka maatla le maatlataolo godimo ga lefase. “Gomme ba . . .lefase le a tsetla,

le letetše ponagalo ya barwa ba Modimo go bonagatšwa, morwa wa Modimo.”

⁹⁶ Gobane, morago ga tšohle, lefase le ga se la neelwa Modimo go le laola. A re hlokomeleng gore yeo ke nnete. Ke mang modimo wa lefase le? Motho! Le ke mmušo wa gagwe. Tšohle, se sengwe le se sengwe lefaseng se ka tlase ga gagwe. Ka sebe o wele; ka maatla a topollo a Kriste o tla morago gape. Yeo ke nnete, gobane lefase ke la motho, le neetšwe yena gomme o be a swanetše go buša godimo ga se sengwe le se sengwe. Gomme tlhago yohle e a tsetla, e letetše nako yela ge barwa ba Modimo ba tla bonagatšwa gape. Oo, nna; oo, nna! Ponagatšo ya barwa ba Modimo. Bjale, bokaone re tlogele yeo gonabjale.

⁹⁷ Eupša, batseta ba ka seatleng sa Gagwe se setona, ba letile. Kae kapa kae A ba romago, ba tla bolela selo sa go swana. Ka gobane Moya wo Mokgethwa wo o bego o le ka go Kriste. . . Oo! Moya wo o bego o le ka go Kriste! Ge A tloga, O rile, “Lebakana le lennyane gomme lefase. . .” (*kosmos*, lentšu la segerike le le rago ‘tshepedišo ya lefase’; e sego mobu, lefase, tshepedišo ya lefase) “. . . le ka se Mpone gape. . .” (dikereke tša maina, goba eng kapa eng go fetiša) “. . . le ka se Mpone gape. Efela lena le tla Mpona. . .” (Kereke, modumedi) “. . . gobane Nna. . .” (“Nna,” lešalamong ke nnete) “. . . Ke tla ba le lena, ebile ka go lena, go iša bofelong bja lefase.” “Jesu Kriste wa go swana maabane, le hono, le go ya go ile.” Le a O bona?

⁹⁸ Ka gona ge woo e be e le Moya wo Mokgethwa wa Kriste o tlilego ka Letsatši la Pentecost wo o dirilego dilo tšeo, ke Moya wo Mokgethwa wa Kriste o kgoromeleditšwego ntle *mo*, Moya wo Mokgethwa wa Kriste o sa swere ka *mo*, Moya wo Mokgethwa wa Kriste o sa swere *mo*, pele fase *mo* go fihla bofelong bja lefase. Moya wo Mokgethwa wa go swana wo wa go tlatša Paulo ka Moya wo Mokgethwa le dilo tše a go di dira, o tla tlatša yo motee *yo* (Irenaeus) a tlala Moya wo Mokgethwa, wa tlatša Martin a tlala Moya wo Mokgethwa, wa tlatša ka moka ga bona ba tlala ka Moya wo Mokgethwa, gomme O tladitše wena le nna ra tlala ka Moya wo Mokgethwa, gomme ke Ditšhegofatšo tša Pentecostal go tloga go lebaka la kereke le tee go ya go le lengwe; Alefa le Omega, Mafelelo le Mathomo, le Tšohle, Modu le Lehlogedi la Dafida, Naledi ya Moso, Rosa ya Saron, Lili ya Moeding, e ka ba eng go fetiša, Tate, Morwa, Moya wo Mokgethwa, Yo a Bilego, A Lego, gomme a Tla Tlago, Alefa, Omega, Tšohle, Tšohle ka go Tšohle! Oo, nna! Seo se tla ntira ke opele pina:

Oo, a le re Ke nna mang, (go boletše Jesu) a le
rile Ke tšwa kae,

A le tseba Tate wa Ka, goba a le ka kgona go
bolela Leina la Gagwe?

O rile: Ke nna Alefa le Omega, mathomo go
tloga mafelelong,

KE NNA tlholo ka moka, gomme Jesu ke Leina.

KE NNA yo a boletšego le Moshe ka mollong
 wa sethokgwa se se tukago,
 KE NNA Modimo wa Abraham, Naledi ya
 Moso le go Kganya. (Yeo ke nnete.)
 KE NNA Rosa ya Sarona, gomme a le re Ke
 tšwa kae?
 KE NNA tlhologo ka moka, eupša Jesu ke Leina.

⁹⁹ Lapa lohle Magodimong le lefaseng le tlemeletšwe ka go leo (tšekelele, la go šegofala, la go tlatšwa ka Moya wo Mokgethwa, go tabogela fase, go rerelelwa ke Moya wo Mokgethwa, go bolelwa ke Moya wo Mokgethwa, go tswalwa ke Moya wo Mokgethwa) Leina. Yeo ke nnete. Modimo o Le file go lapa lohle Legodimong le lefaseng. Gomme se sengwe le se sengwe ka go lona, letolo le lengwe le le lengwe, le tla kwatama go Leina lela. “Ga go Leina le lengwe le filwego ka tlase ga Legodimo le batho ba tla swanelago go phološwa ka lona.” E sego *mohlomongwe, ba ka go*, eupša ba *swanetše* go phološwa. Oo, ke a Le rata. Le no ba botse. Go lokile.

¹⁰⁰ “Ka seatleng sa Gagwe se setona.” Bjale a le a hwetša? Ke Kereke ya pentecostal; maatla, maswao, matete a dirwa tsela yohle mmogo. Bjale re. . .Ile go theoga go kgabola Mabaka a Leswiswi moo O bego O nyakilego go betelelwa ntle. Bjale a re tšeeng temana ya 2. Oo, ke a dumela re tla no tšwelapele feela ye—ye nnyane nthathana ka ya pele gabjale:

. . . *Ke tseba mediro ya gago, gore o na le leina gore o a phela, gomme o hwile.*

¹⁰¹ Phetlelang godimo go kereke ya go latela mo, le tla hwetša, “Eupša ga se wa latola leina la ka.” Kereke ya go latela, “Ga se wa latola leina la ka.” Eupša ka go kereke *ye*, “O na le leina.” Šetšang mo! Kereke *ye* e lototše Leina la Gagwe; kereke *ye* e lototše Leina la Gagwe; kereke *ye* e ile go kgabola Lebaka la Leswiswi gomme go be go se selo se boletšwego ka yona; ge ba ile ntle go Bophelo ka lehlakoreng *le*, ya mathomo ye nnyane ya go phonyokga, ge Luther a ba gogetše ntle, “O na le leina gore o a phela, eupša o hwile.” Bjale, ke leina lefe ba le šomišitšego morago ga go tlogela go šomiša Leina la Jesu? Tate, Morwa, Moya wo Mokgethwa. Gomme ga go selo se sebjalo. Ke ya go hwa—ke thutamodimo ya go hwa.

¹⁰² Mpotšeng, a Tate ke leina? Ke botate ba bakae ka mo? Phagamiša seatla sa gago. Ke ofe wa lena a reetšwego Tate? Barwa? Le batho, ke seo—ke seo e lego sona. Ga se. . .Leina la Wona ga se Moya wo Mokgethwa, ke seo O lego sona; Wona *ke* Moya wo Mokgethwa. Leina. . .Moya wo Mokgethwa ga se leina, Moya wo Mokgethwa ke thaetlele; Tate, Morwa, le Moya wo Mokgethwa.

103 Kafao le a bona fao, e no ba go hloka bofase bjalo ka bomorwa bja Gosafelego. Ga go selo se sebjalo bjalo ka bomorwa bja Gosafelego. Morwa o tswetšwe go tšwa; Gosafelego ga se gwa tsoge gwa dira.

104 Ga go selo se sebjalo, bjalo ka ge ke boletše bošego bjo bongwe, bjalo ka hele ya ka Gosafelego. O tsoge wa hwetša bjang hele ya ka Gosafelego? Ka mehla go bile hele, gona. Beibele e rile, “E hloletšwe diabololo le barongwa ba gagwe.” Ka mehla fao go tla ba hele; ge ka mehla go tla ba e tee, go be go tla swanela go ba e tee mo mathomong. Gomme eng. . . Ke mang a e šomišitšego morago kua ge—ge A be a le *El, Elah, Elohim*, “Yena mobagona ka boyena,” ge go be go se selo gape? Gona hele e be e swanetše go ba gona thwi fao le Yena. Le a bona? “Hele e hloletšwe diabololo le barongwa ba gagwe. Gomme ba babe bohle ba tla lahlelwa ka go yona.” Yeo ke nnete tlwa. Ba tla otlwa mohlomongwe lebaka la mengwaga ye milione tše lekgolo bakeng sa se ba se dirilego. Eupša go tla tla nako mo ba tla swanelago go ba le lehu la bobedi. Go ka se be selo se šalago bakeng sa bona. Se sengwe le se sengwe se se bilego le mathomo se ne mafelelo. Kafao ge re amogela Bophelo bjo Bosafelego re amogela karolo ya seetša sela sa legohle se se bego se le morago mošola pele go be go tsoge gwa ba molekule. Uh-huh. Seetša sela sa Modimo se tla ka pelong ya rena seo se re bonegelago gore re bone Jesu. Beibele e rile, “Ga re bone dilo tšohle, eupša re bona Jesu.”

105 Bjale, O rile, “Ke a tseba ke yo. . . Ke nna Yo a nago le Meoya ye e šupago yo a romelago go dikereke tše di šupago. Ke tseba mediro yohle ya gago le tšohle ka yona, eupša o na le leina gore o a phela eupša o hwile.” Bjale, le a elelwa; e be e le lebaka la mang le? Martin Luther, Lebaka la Lutheran. Bjale, ba ahlotšwe mo mathomong. Ebile ba be ba se ba swanela go thoma, sa mathomo ba be ba hwile. Ba be ba se ba swanela go hwa, ba be ba hwile sa mathomo. Le a bona, ba nno “hlotholela ntle.”

106 Bjale hlokomelang se. Bjale a re baleng temana ya go latela:

Šetšang! *Hlokomela, gomme o maatlafatše dilo tše di šetšego, tše di lego komana go hwa: Gobane Nna ga ka hwetša mediro ya gago e phethagetše pele ga Modimo.*

107 Bjale, o bolela le Luther bjale. Bohle re a amogela gore le—le e be e le lebaka la Lutheran, yeo e be e le mpshafatšo. Bjale O boletše eng? “O tlišitše leina la maaka gore o a ‘phela,’ eupša o hwile.” Ba dirile eng? Ba e beile thwi morago ka go kereke ya leina gape. Ka gona, “pitša e ka se bitše ketlele ‘ye ntsho,’” se swaswalatšeng, “Katoliki!” Le a bona, gobane le morago thwi ka go yona, le šomiša thutotumelo ya gagwe ya go swana le maina. Gomme, gabotse, Luther o tšweleditše bontši bja dikatikasema le se sengwe le se sengwe gape se kereke ya Katoliki e bilego le sone, le go tšea leina bonabeng. Le a bona, “O na le leina gore o a

‘phela,’ ao a tšwago go mohu wo mengwaga ye sekete mo, gomme o sa swareletše leina leo.” “O na *le* leina,” o a elelwa?

108 Go ba le nnete yeo ke nnete, dikereke tše dingwe, o rile, “O lototše Leina la Ka.” “O lototše Leina la Ka.” Ka go lebaka *le* ba “Le timeditše.” Le go tla ntle *mo* le go re, “O na le leina le lengwe o re o a ‘phela,’ eupša o hwile.”

109 Oo, lena Mamethodist, Mabaptist, Presbyterian, Malutheran, le Pentecostal, sokologang gomme le kolobetšweng Leineng la Jesu Kriste bakeng sa go tlošwa ga dibe tša lena. Le a bona? Tšwang go dithutotumelo tšela tša kgale tša go hwa le dilo tše e lego tša kereke ya Katoliki ye e yago go fedišwa le bohle barwedi ba gagwe le yona.

110 Ga go le yo motee a ka kgonago gore “Tate, Morwa, le Moya wo Mokgethwa,” yona mehuta ya . . . Gomme selo sela, gomme ba bitša “Thirinithi ye Kgethwa.” Thirinithi? Ke nyaka yo mongwe go hwetša ebile lentšu *thirinithi* ka Beibeleng, gomme a tle le go mpošša ka lona, e no hwetša lentšu *thirinithi*. Ebile ga le gona ka kua. Ga go selo se sebjalo.

111 Bjale, bjale:

. . . gomme *komana go hwa*: . . .

112 “Swarelela go se o nago naso, Luther o go hlohotše. Swarelela go seo, gobane o komana go hwa. O tla . . . Ba tla go bušetša morago ka go yona gape. Swarelela go seo, o komana go hwa.”

113 Bjale:

. . . gomme *Nna ga se ka hwetša* o phethagetše gabjale *pele ga Modimo*.

114 Seo ga se botse? Oo, nna! Ke rata seo. “Go se phethagale.” Gobaneng? Ba be ba nno lokafatšwa, Luther o rerile tokafatšo; o swanetše o hlwekišwe gomme ka gona o tlatšwe ka Moya wo Mokgethwa. Gomme ka gona e be e se ya bona beng, ba be ba phethagatšwa ke Moya wo Mokgethwa ka go bona. Ga se—ga se Mokriste yo a phethagetšego, ke Moya wo Mokgethwa wa go phethagala ka go yena. Le a bona? Seo ke se . . . Bjalo ka ge ke boletše, “Ga se thaba ye kgethwa, ke Modimo yo Mokgethwa godimo ga thaba. E sego kereke ye kgethwa, e sego batho ba bakgethwa, eupša ke Moya wo Mokgethwa ka Kerekeng le ka go batho.” Yeo ke karolo ye *Kgethwa*, le a bona.

115 “Gomme Nna ga se ka hwetša mediro ya gago e phethagetše. Ga se wa tla phethagalong.” Gobane re hweditše bjale gore ba bile le tokafatšo *mo*, tokafatšo. Gomme ye e be e le . . . Aowa, ke kgopela tshwarelo ya lena. Tokafatšo e thwi *mo* ka fase ga Luther; gomme tlhwekišo e *mo*; gomme *mo* ke Moya wo Mokgethwa. Le a bona? Bjale, dielemente tše tharo tše di šomilego ka go mabaka a kereke a mararo ao, ke se e tšeago go bopa tswalo ya go tlala. Di imilwe feela bjalo ka peu ye nnyane

ka popelong ya mme. Yeo ke nnete, Moya wo Mokgethwa o etla go tswalo.

¹¹⁶ Bjale ke nyaka go le botšiša se sengwe. Ge tswalo ya tlhago e direga, ke eng selo sa pele se se diregago? Meetse. Selo sa go latela? Madi. A ke nnete? Selo sa go latela? Moya. Yeo ke nnete.

¹¹⁷ Go tšwele eng mmele wa Jesu ge A ehwa? Ba thothobeditše lehlakore la Gagwe, gomme meetse le Madi a tšwetše ntle, “Gomme ka diatleng tša Gago ke neela Moya wa Ka.” Meetse, Madi, Moya.

¹¹⁸ “Ka gona ka go lokafatšwa ka tumelo,” Baroma 5:1, “re na le khutšo le Modimo ka Morena wa rena Jesu Kriste,” tokafatšo. Tlhwekišo, Bahebere 13:12 le 13, “Jesu o tlaišegile ka ntle ga dikgoro gore A ke a hlwekiše batho ka Madi a Gagwe Mong.” Luka 24:49, “Eupša lena letang ka toropongkgolo ya Jerusalema go fihla le hlamišwa ka maatla go tšwa Godimo. Morago ga se Moya wo Mokgethwa o tlile godimo ga lena, *gona* le tla ba dihlatse tša ka ka Jerusalema, Judea, Samaria . . .”

¹¹⁹ E sego ge o eba pišopo, e sego ge o eba motikone, e sego ge o eba modiša, e sego ge o eba mopapa, “Eupša morago ga se Moya wo Mokgethwa o tlile godimo ga lena, gona le tla bea bohlatse.” O ka kgona feela go bea bohlatse bja kereke ya gago le thutotumelo ya gago, bjalo ka . . . ge o no ba motikone, goba ge o no ba modiša, goba ge o no ba mopapa, goba ge o le . . . O bea rekoto ya thutotumelo! Eupša ge Moya wo Mokgethwa o tlile godimo ga gago, gona o bea rekoto ya Gagwe! Gomme mediro ye A e dirilego, o a e dira le wena, gobane Bophelo bja Gagwe bo ka go wena. Oo, oo! Nna, nna! Ka mokgwa woo. Ee, mohlomphegi. Oo, ke O hwetša go fetiša godimo . . . Wona godimo mo, ke a dumela, go feta le dira ntle fao. Ke no ikwela bokaone ka Wona.

¹²⁰ “Dilo tše di lego komana go hwa, swarelela go tšona.” Bjale o a bolela mo, bjale ka go temana ya 3:

Elelwa ka gona ka fao o ilego wa amogela le go kwa, . . . (Ke rata yeo.) . . . gomme swara o tiše, gomme o sokologe. Ge ka gona o ka se šetše, Ke tla tla go wena bjalo ka lehodu, gomme wena o ka se tsebe yona iri yeo Ke . . . tlogo godimo ga gago.

¹²¹ “Swara o tiše go tokafatšo ya gago, kgomarela go yona.” O se dumelele batho go goga yeo morago go tloga go wena. “Yeo gape yeo o e amogetšego, o e kwelego.” Ba badile Beibele ya go swana ye re e balago, le a bona. Eupša ba ile ba se E tšee yohle, gobane E be e se ya utollwa go bona. E be e se ya lebaka la bona. Ke lebaka leo gore ba tla tla pele ka tsogong. Ba sepetše ka Seetšeng ba ilego ba swanela go sepela ka go sona, kafao ba tla tla pele.

¹²² Bjale, ke kwele batho ba bantši ba Pentecostal ba ba rerago kolobetšo, ba re, “Bona Malutheran, le go ya pele, ba ka se tle pele.” Oo, ee. Le tseba kanegelo ye nnyane ka Ngak. Hegre

godimo kua. Ge ke mmoditše. . . O rile, “Ke rena eng?” Ke rile. . . O a tseba, ba tsošitše Seminari ye kgolo yela ya Lutheran kua, Bethany, ka Minneapolis. Gomme o rile, “Gabotse, rena Malutheran re na le eng?”

Ke rile, “Gabotse, ke tla go botša. Ke a dumela le na le Kriste.”

Gomme o rile, “Gabotse, re nyaka—re nyaka Moya wo Mokgethwa.” O rile, “A o nagana re O hweditše?”

Ke rile, “Ka go kgonagala.” Gomme ke rile, “Le dumela go ya go Wona.”

O rile, “Gabotse, o ra eng?”

123 Bjale, ba na le dikete tša diakere kua tšeo baithuti ba bona. . . ge ba sa kgone—ba sa kgone go lefa tšela ya bona go kgabola, ba ba dumelela go šoma tšela ya bona ka go lema lehea. Ke rile, “Gabotse. . .” Fao go no—go no ba ditafola tše kgolo. Ba mphile a mangwe a matena a dijo tša mahlakanasela tlase kua ka seminaring ye kgolo yela. Gomme bjale, ke banna ba bakaone; Ngak. Hegre o dutše *mo*, gomme Ngwanešu Jack Moore mošola *mo*; gobane ke mmeile kgauswi moo gore ge a eya go bolela mantšu tsoko a magolo ke bego ke sa a tsebe, ke be ke eya go kuba Jack ka leoto la ka le go bona se a se boletšego, le a bona. Kafao ka gona, ke rile. . .

124 O dutše kgauswi le nna, gomme o rile, “Gabotse, se re nyakago go se dira ke go hwetša se sengwe mo.” O rile “Re swerwe ke tlala bakeng sa Modimo.” Gomme o rile, “Re badile puku ka Pentecostal, *Dimpho*.” Gomme o rile, “Re ile. . . sehlopha sa rena baena re fofetše California, re kopane le monna yo a ngwadilego puku.” (Gomme ke a mo tseba.) O rile, “‘Re ka rata go bona tše dingwe tša dimpho di šoma.’ O rile, ‘Ga ke ne le e ka ba eng ya tšona,’ o rile, ‘Ke nno ngwala ka tšona.’” Kafao o rile. . . Gomme o rile, “Ka gona ge re bowa morago godimo kua re bone ye, re swerwe ke tlala. Re nyaka Modimo.”

125 Gomme ke rile, “Gabotse, nako ye nngwe go be go ne monna o ile pele.” Le a tseba, mobung wa gagwe mong fao, le a bona. “Monna o ile pele le go tesa tšhemo ye kgolo ye tona. Gomme o ntšhitše medu yohle go tšwa go yona, le se sengwe le se sengwe, gomme morago a bjala lehea. Mosong wo mongwe le wo mongwe o ile mojako le go lebelela ntle go bona ge eba o be a ne lehea e ka ba lefe. Selo sa pele le a tseba, mosong wo mongwe, ditsebjana tše pedi tše nnyane di be di tšwetše godimo.” (Mang kapa mang a kilego a lema lehea. . . Ngwanešu George Wright le bona ba kae, Roy Slaughter le bona? Le a tseba, tšona ditsebjana tše pedi tše nnyane di tšwela godimo.) “‘Oo,’ o rile, ‘Tumišang Modimo bakeng sa tšhemo ya ka ya lehea.’”

Ke rile, “A o be a ne tšhemo ya lehea?”

O rile, “Gabotse, ka tšela ye nngwe.”

126 Ke rile, “Ka kgonagalo, ee.” Ke rile, “Bao e be e le lena Malutheran ka go mpshafatšo ya mathomo, le hlagaša tsebjana ye nnyane yela, o a bona.” “Gabotse,” ke rile, “go ya le go ya lehea lela le godile.” Ga se ka mmotša ka “maiye,” le a bona, ke nno mo lesa a ye le lehea, le godile.

127 Kafao ke rile, “Lehea le godile, gomme morago ga lebakana la ba le lenono godimo ga lona. Gomme lenono lela le lebeletše morago fase go letlakala gomme le rile, ‘Ha-ha-ha-ha-ha, ga le na le selo, lena Malutheran a kgale a fomale.’ Le a bona? O rile, ‘Ke nna . . . Ke—ke nna morui, nako ye kgolo ya boromiwa.’ Phefo e fokile, gomme manono a mannyane a wele ka mokgwa woo le go wela fase; yoo ke Wesley, tlhwekišo.” Le a bona? Leo e be e le labaka la boromiwa le legologolo re kilego ra ba le lona, e bile kereke ya Wesleyan, ka gare labakeng la nako ya Wesley, ebile le fetile lebakeng le. Lebaka la Kereke la Wesleyan, e be e le lebaka la boromiwa, gomme le phatlaladitše. Le dirile eng, le—le Le phatlaladitše.

128 Le a bona, ebile le tlhago e bea rekoto ya a mararo a, thwi fao. Tlhago yonamong, Modimo mathomong o e dirile gore e be ka tsela yeo. Ebile ga wa swanele go ba le Beibele, o ka kgonaga go lebelela tlhago le go bona mo o lego. Le a bona?

129 Gomme ka gona . . . Gomme morago ga fao le wela kua. Gomme go tla eng ntle? Godimo go tlile tsebe ya lehea, e na le dithoro godimo ga yona; seo e be e le sehlopha sa Pentecostal. Bjale, sehlopha sa Pentecostal e be e le mohuta wa sehlopha sa go swana tlase *mo*. Go tloga *mo* se bile le ditsebjana tše pedi tša lehea, Luther; *mo* o bile le lenono, Wesley; gomme tlase *mo* o bile le thoro ya lehea (Eng?) feela tlwa boka go bile morago *mo*. Selo sa go swana!

130 Gabotse bjale, e be e le eng se mo? O re, “Gabotse, bjale,” Mapentecostal ba rile, “Ga ke ne go dira selo le wena Methodist goba Malutheran.” Eupša, morago ga tšohle, bjona bophelo bjo bo bego bo le ka go ditsebjana tše pedi bo thušitše go dira lenono. Gomme bjona bophelo bjo bo bego bo le ka go lenono bo dirile lehea. Kafao, le a bona, lohle ke lenaneo la Modimo. Ba bile le Moya wo Mokgethwa, kgonagalong; kafao Wesley o dirile bjalo, ka fase ga tlhwekišo; eupša lehonono o tlišitše morago go bolela ka maleme le pušetšo ya mathomong morago *mo*. Moya wo Mokgethwa wa go swana, le a bona, bona ba therešo. Amene. Ee.

131 Go lokile, “Swara go tliša se o se kwelego, go sego bjalo se tla hwa.” Bjale temana ya 4, ke a dumela ke yona:

*Wena o na le maina a sego makae ebile le ka Sarede
ba ba sego ba tšhilafatša diaparo tša bona; gomme ba tla
sepela le nna ka bošweu: gobane ba ne maswanedi.*

132 “Bjale, le se ke la dira kereke ya leina go tšwa go Wona, ga re nyake yeo.” Bjale, ke bile . . . Ke—ke badile temana ya go fošagala, a ga se ka? Goba a ga se ka? Ya, ya, yeo ke nnete. Ya. Go lokile.

Ya, “Ka Sarede, ga se ba tšhilafatša diaparo tša bona.” Go bile ba sego bakae ba bona bao ba tlogo go fele ba sa khunamele selo sela, gomme ba itshwere bonabeng ba sekile le go hlweka; mohlala wa kgale go tšwa moragorago go ya go Pentecost, ba go tlatšwa ka Moya. Bontši bja bona nako yeo, ge lebaka la Luther le thoma go kgatlofatša; ba dirile eng? Ba thomile moragorago thwi boka Beibele e rile, “Ba itshwere boka mam wa bona.” Ba moragorago fase, ba thomile kereke ya leina. Eupša ba ba sego nene ba bona ba emetše thwi ntle gore ba be ba ka se e dire, ba dutše thwi ntle bakeng sa Modimo. O rile, ba rile—rile, “Gabotse, go lokile, o na le maina a se makae, gomme ba na le maswanedi go sepela pele ga Ka, ba apere bošweu. Le se ke la dira kereke ya leina. Le se ke la tšea thuto ya Banikolaite, bjale. Le se ke la thoma kereke ya leina ya lena gape, eupša e nong go dula ka go lokologa ka go Modimo. Dumelelang Moya wo Mokgethwa o le etepele ge le tšwelapele. Go na le ba ba sego bakae ba bona ba sa šetšego.”

133 Bjale temana ya 5, ke a dumela:

Yo a nago le tsebe, a a kw- . . .

134 A re boneng. Aowa.

Yo a fenyago, wa go swana o tla apešwa seaparo se sešweu; gomme Nka se phumule . . . leina la gagwe go tšwa pukung ya bophelo, eupša Ke tla bolela leina la gagwe pele ga Tate wa ka, le pele ga barongwa.

135 Bjale, “maina a sego makae.” Ba ba sego nene kudu, mašalela a mannyane, a tlogetšwe ao a sego a tšea . . . a tšea . . . a thopša ke thuto ya Katoliki. Go lokile.

136 Bjale re tla go bolela ka mpshafatšo. Ke tla rata go . . . Ke tlogetše bokamorago bja Luther gore ke kgone go bo tsenya ka mo. Bjale temana ya go latela e rile:

Yo a nago le tsebe, anke a kwe se Moya o se boditšego dikereke.

137 Modimo, a leka go ba sebotša mo go dula ka ntle ga Bonikolaite bjo, “Katogang go tloga fao! Bolokang diaparo tša lena di se tša kgamathela go tšwa go e ka ba eng ya lefase!” Go no dula go lokologa ka go Yena, gomme O be a tla ba etapele le go ba hlahla. Bjale, ao ke mathomo a pele.

138 Bjale, *ka mpshafatšo* ke ra “bona ba ba phonyokgilego,” bona ba ba phonyokgilego ebile le ka go kereke ya Sarede. A le kwešiša se ke se rago? Bona ba ba swanelago go phonyokga selo sela sa go šišiša. Bjale ke . . . Bjale, re tla e topa gape gosasa bošego le go e tliša thwi go theoga mo ka go . . . ka go lebaka la Pentecostal, le go le laetša yeo ke yona tlwa. Bjale, go na le tše dingwe tša dilo tše, tše re di bovelago mo: di “Ba se phonyokgile bjang?” Bjale, re tla topa yeo, tlase ka go lebaka la go latela. Le a bona, re swanelwa ke go e topa go e bea mmogo. Ge o sa dire, gona o—o—o—o foša go

fa ba—ba batho . . . go e rebethela fase ka go lebaka la go latela, le a bona. O swanetše go ba dira ba e hwetše feela bjalo ka ge Beibele e e fa mo, le a bona. Go lokile.

¹³⁹ Bjale, bona ba ba phonyokgilego ke bona A boelago ka bona. Bao ke ba thwi *mo*, sehlopha se sennyane se sa nthathana mo se se phelago ka tokafatšo. Bjale lebelelang! Ba tšwetše ntle, ba bone Seetša, Luther o retolotše gabotse . . . Morago ga lehu la Luther, e sego Luther; Luther ga se a tsoge a dira mokgatlo; e bile sehlopha sela ka morago ga gagwe. Wesley ga se a tsoge a dira mokgatlo; e bile sehlopha sela ka morago ga gagwe. Bona bathomi ba kgale ba Pentecost ga se ba tsoge ba dira mokgatlo; e bile sehlopha ka morago ga bona. Seo ke sona se o dirago, le a bona, ke tikologo ya bobedi ba o dira. Morongwa wa kgonthe wa Seetša a ka se tsoge a dira mokgatlo! Gomme le tla hwetša go le—go lebaka le la Pentecostal se se tlogo bofelong bja mokgatlo wola, le sona; le a bona, ge Moya wo Mokgethwa o e utolla go rena.

¹⁴⁰ Bjale, O rile, “O na le Seetša se sennyane nthathana se šetšego, feela se sennyane nthathana, Se komana go hwa; se a rorela, e no ba tokafatšo, ba ka kgona go go akgela ka tsela e ka ba efe. Ga o sa na le Bophelo gabjale, gobane o tšere leina la go fošagala. Eupša wena o—wena o . . . bonnyane o ubuletšwe ntle. Le a bona, wena o . . . o—o phonyokgile kereke ya Roma. O phonyokgile thutotumelo yeo yohle, gomme bonnyane o tšwetše ntle bokgole bjoo.” Bjale, o bala Beibele ya go swana. Bjale, eupša Beibele ya go swana ye e rutago Moya wo Mokgethwa . . . Yena ga se a tsoge a ba ahlolela se ba bilego le sona. O rile, “Bjale seo ke . . . swarelelang go seo go fihla Ke etla. Le a bona, e nong go tšwelapele le swareletše.”

¹⁴¹ Bjale, lebaka la kereke le thoma 1520, ge Roma, kereke ya Katoliki tšekelele e bile le taolo ya go tla. Leo le bile gona go fihla Oktobere la masometharo tee (Ge bohle le ngwala yeo.) Oktobere masometharo tee, 1570 A.D., ge Martin Luther a kokotela ditiesese tša gagwe tše masomesenyane tlhano godimo ga lamati la kereke ka Wittenberg, Jeremane, gomme go tloga nako yeo Mpshafatšo e ile ya kgatlampana. A le hweditše matsatšikgwedi ao? Anke ke hwetše gape gore le be le bonnete. Oktobere masometharo tee, 1570 A.D., ge Martin Luther a kokotela ditiesese tša gagwe tše masomesenyane tlhano godimo ga lemami la kereke ka Wittenberg, W-i-t-t-e-n-b-u-r-g, Wittenberg, Jeremane. Go tloga letšatšikgweding leo mpshafatšo e ile ya tsena ka gare, mollo wa thoma go fofa. O gwabetše kereke yela ya Katoliki a eme kua, yeo ka seatleng sa gagwe ka mokgwa woo, o rile, “Wo ke Mmele wo mokgethwa wa Kriste? Ke senkgwana le beine ye nnyane!” Gomme “hwidihwidi!” a se lahlela godimo ga lebatlo. Yeo ke nnete.

¹⁴² O gwabetše kereke ya Katoliki, gomme ye . . . seo se thomile . . . go hloholela ntle go gonnyane gwa tla nako yeo. Go lokile, kgwa . . . e be e kgatlampana. Eupša e be e le kudu ya

ntw—ntw ntwā ya maatla a sepolitiki go feta e be e le bakeng sa Kereke ya kgonthe ya therešo. Ba be feela ba lwela tokelo ya dipolitiki go tšwela ka ntle ga kereke le go dira kereke ye nngwe. Ga se ba tsoge ba mpshafatšwa, go tšwela ka ntle ga kereke ya Katoliki go tliša morago Moya wo Mokgethwa le maatla ka kerekeng, gobane ba O latotše. Huh? E be e le rali ya dipolitiki. Moo ke mo ka nnete e bego e tla lekana, “O ne leina la gore o a phela, gomme o hwile.” Ka mantšu a mangwe, o nno tliša ntle kereke ya leina ya Protestant, yeo ke phetho. O ntšhitše morwedi ka kerekeng. Go tšwa ka . . . O ntšhitše mmalegogwana go seotswa. Seo ke tlwa se se diregilego. O ntšhitše Athalia go Isebele.

¹⁴³ Bjale, mang kapa mang yo a balago Mpshafatšo o a tseba seo se bjalo, gobane gabonolo o nno . . . Ditlwaelo le ditshepedišo di se nene tša kgale tše . . . le meletlo, gabonolo o—o nno e phušula, eupša ge go etla go tlišeng Moya wo Mokgethwa morago ka kerekeng boka go bile morago *mo*, ga se a se dira. Aowa, mohlomphegi. E be e le ntwā ya dipolitiki go feta go ba go ntwā ya semoya. E be e le dipolitiki go na le go ba Moya wo Mokgethwa. O be a se a be a tšena go Kereke nako yeo. Oo, ngwanešu, O be a se a be a tla morago; O tla morago *mo*, e sego godimo *kua*.

¹⁴⁴ Bjale, e be e le rali ye kgolo ya dipolitiki, eupša e be e se bakeng sa Mangwalo a Makgethwa le mo—le mo Moya wo Mokgethwa. E be e le rali ya dipolitiki gore o fedišitše tše dingwe tša ditshepedišo tša sefapano tša kgale, le “*Dumelang boMaria*,” le tšohle tše. Eupša o ile a no fele a sa tlišitše katikisima ntle. O ile a no fele a sa tlišitše ntle se . . . Le se bitša eng? Ditirelo tša boineelo tša e ka ba eng e bego e le tlase kua ge ba eya tlase mosong wa Paseka gomme modiša a ba kganyogela “Krisemose ya Lethabo,” le a tseba. “Ga a sa ba bona gape go fihla nako ya Krisemose,” o rile, le a tseba. Yeo . . . oo, go tiišetša—tirelo ya go tiišetša, se ke lekago go se bolela. Go ba tšeela tlase le go ba tiišetša, go ba fa selalelo sa mathomo le go ba tiišetša. Ga go selo se sebjalo bjalo ka tiišetšo. Tiišetšo e nnoši ye e boletšwego ka Beibeleng, ge ka—ka Beibeleng, ke ge Modimo a tiišetša Lentšu la Gagwe ka maswao le matete a latela. Yeo ke tiišetšo, e sego go tiišetša go ba wa kereke ya Lutheran, eupša Modimo a tiišetša Lentšu la Gagwe ka go wena. “Gomme Morena o be . . . o šomile le bona,” Mareka 16, “a tiišetša Lentšu ka maswao a latela.” Yeo ke go tiišetša Kereke ya pentecostal. Seo ke go tiišetš- . . . Modimo o itiišetša Yenamong go phela, bjalo ka Modimo modiramahlolo ka Kerekeng, a bolela ka maleme, a hlatholla maleme, le go dira dilo tša go swana ba di dirilego mathomong.

¹⁴⁵ A ke a le lapiša? [Phuthego e a araba, “Aowa.”—Mor.] Go lokile. Bjale, hlokomelang, ga se ba tliša tsošeletšo ya Moya wo Mokgethwa morago; ba tlišitše lebaka la kereke le leswa morago. Ba tlišitše morago bona bahlotholelwa ntle; bona ba

ba phonyokgilego tthatlamano ya Roma, go dira tthatlamano ya Protestant. Seo ke selo se nnoši ba se dirilego. Ba tabogile thwi go tšwa ka gare ga segadiki go ya ka mollong. Ke—ke nnete. Tlwa.

146 Isebele o nno tswala morwedi. Gomme bjale le se nagane ke no bolela se go—go itshwara botswerere, ke bolela se gobane Beibele e boletše bjalo! Beibele, ka go Kutollo 17, e rile, “O be a le mmago diotswa.” Jesu o boletše mo, “Feela boka Isebele a be a le, kafafo le yena o tla ba bjalo.” Gomme o beile pele barwedi ba ba tla tšhilafatšago na—na naga ye e bego e se ya tšhilafala. Bjale, seo ke tlwa se Boprotestant bo se dirilego go Moya wa kgonthe wa Modimo, bo tšhilafaditše selo le go se bea thwi morago ka go mokgatlo wo mongwe. Woo, ge Modimo a rata, ka Lamorena mosong, ke nyaka go le laetša gore—gore—gore ba diretše sebata seswantšho, gomme sebata e be e le Roma. Gomme ba dirile seswantšho boka seo. E be e le eng? Mokgatlo! Oo, ke a holofela seo se nwelela fase ka dipelong tša batho.

147 Gomme le makala gobane ke lwantšhitše mokgatlo thata kudu bophelong bjohle bja ka; ke be ke sa tsebe nnamong. Eupša e be e le *Sengwe* ka gare ga ka se llela ntle; ke be ke sa kgone go se thuša. Ke be ke makala, ka mehla ke maketše, gobaneng ka mehla ke le tlase godimo ga basadi bjalo? Le a bona? Bophelong bjohle bja ka. E sego kgont-...Ke ra...ga ke re basadi ba kgonthe; ke ra ba ba *bego ba swanetše go ba*, le a tseba, ditlhale tša boitshwaro di kgaogile go tšwa go bona le se sengwe le se sengwe. Le a tseba. Woo ke mohuta ke...se *Sengwe* ka go nna.

148 Ge ke be ke sa le yo monnyane, nthathana, mošemane wa kgale, godimo kua, ke be ke bona bona basadi ba etla godimo kua tseleng, gomme ba bona...ke tseba bannabagatša ba bona ba be ba le ntle ba šoma, bona godimo kua le mothaka tsoko, ba tagilwe; ka thoko ga tsela, gomme ba be ba ba sepediša go rotoga le go theoga tsela, go ba dira ba hlapogelwe go lekanela go ba iša gae, go apea dilalelo tša monnamogatša wa bona. Ke rile ga se ba swanela kolo ya go hlweka go ya go ba kgabola. Yeo ke nnete. Ke rile ba fasefase go feta diphoofolo, go dira selo boka seo. Gomme ke...Ge ke be ke le lesomesupa, lesomeseswai la mengwaga bogolo, ke be ke tla bona mo—mo mosetsana a etla go theoga mokgotha, ke be ke kgabaganyetša ka lehlakoreng le lengwe, ke be ke re, “Marabe wola wa go nkga.” Le a bona? Gomme nkabe ke bile mohloi wa kgonthe, eupša ge ke amogetše Modimo ka pelong ya ka, Modimo o ntirile ke tsebe gore O na le mabjebhlokwa tsoko kua, O na le bahumagadi tsoko ba kgonthe. Ba ka se itšhilafatše bonabeng ka mokgwa woo; lebogang Modimo bakeng sa seo.

149 Ge ke be ke le mošola ka Afrika, ge ke be ke le mošola ka Switzerland, ge ke be ke le ka Roma, ke botšišwa potšišo ye kudu, “Hei, ba re, Ngwanešu Branham, a lena bohle ga le ne basadi e ka ba bafe ba go hlomphega le gatee ka Amerika? Pina ye nngwe

le ye nngwe e tšwago godimo mo, go na le se sengwe sa ditšhila ka basadi ba lena.”

150 Ke rile, “Bao ke Maamerika. Eupša re na le Mmušo wo mongwe o phelago mošola kua, woo ke Mmušo wa Modimo; ke bahumagadi go fihla kgwekgweng.” Ke bona!

151 Beibele e boletše, godimo ka go—ka go bapofeta, e rile. . . Ke a dumela e bile e ka ba tema ya 5 ya Jesaya, ga ke na le nnete, e ka no ba e le ya 5 goba tema ya 6 fao; e bolela ka, “Wa lehlogonolo ke morwedi yola wa Sione, a tlogo phonyokga go tšona dilo tšohle ka letšatšing leo.” Ka mo a tla sepelago go theoga mokgotha; o tla ba le melentse ya gagwe e tatolletšwe fase; o tla sasanka ge a sepela; a menekana ka mokgwa woo, le dilo tše a tla di dirago. Feela tlwa ka tsela ye ba dirago bjale, feela ka go phethagala. Ba apara diaparo boka banna, e lego makgapa go Modimo.

152 Ke bone sosaete ya bodumedi, lebakana la go feta, ba eya ka gare go ba le. . . mohuta tsoko wa mothuthupo wo monnyane ba bago le wona e ke ba bošego bjo bongwe le bjo bongwe, gomme basadi ba bohle ba eya ka ye metsup-. . . Goba—goba ke eng—goba ke eng tšona dilo le di bitšago tšona? E sego dišothi, eupša dilo tše dingwe. Ya, ke dikgorometša sejagedi. Goba tšona dilo fao. Bohle godimo. . . Ba hloka sejagedi se kgorometšwe, go lokile; ngwanešu, yeo ke pota e ka ba bophaphati bjoo. Yeo ke nnete. Hlogo e tla go tšwa. . . *Mosepelakamaoto*, yeo e “godimo ga leoto la gago,” gomme seo ke tlwa ba se hlokago. Yeo ke nnete.

153 Eupša, oo, o re, “Gabotse, bjale, ke a nagana ke tlhomphe kudu go mosadi go apara seo ge feta go lego bakeng sa sekhethe.”

154 Modimo o rile, “Ke makgapa mahlong a Gagwe go mosadi go apara seaparo. . .” Gomme ge mosadi a kota moriri wa gagwe boka monna. . . Modimo o nyaka mosadi a lebege boka mosadi, a apara boka mosadi, a itshwara boka mosadi.

155 Gomme ga A nyake monna ka dikamelwa ka thoko tše kgolo tše tona di lekeletše fase ka mokgwa wo, gomme ka gona, boka lepidipidi le dutše morago ga hlogo ya gagwe ka mokgwa woo. O mo nyaka a lebege boka monna. Ee, mohlomphegi. Nna, ba apara sesadi kudu go fihla le gatee ba sa tsebe ke bona ba bong bofe. Go—go a šokiša, mahipi a le se sengwe le se sengwe re nago le sona lehono. Ga go makatše re phela nakong ya mafelelo, ga go selo se šetšego ka lefaseng le eupša bakeng sa Modimo go tšhollela bogale bja Gagwe ntle godimo ga lona le go le tšhuma. Yeo ke phetho. Modimo yo Mokgethwa wa toko a ka se kgone go dira se sengwe gape.

156 Ba latotše Madi a Jesu Kriste! Ba itirile thutotaelo bonabeng! Ba tsene ka mokgatlong! Gomme wa go tšofala. . . tate tsoko yo mokgethwa ka ya gagwe. . . grata ya kgale ka kholoro ya gagwe e retologile go dikologa, o tla godimo le go ba botša, “Bana ba ka ba go šegofala.” Seo se ra go se fete kolobetshadi e se bolela.

157 Ke a le botša, se re se hlokago bošegong bjo ke go boela morago go Beibele le Moya wo Mokgethwa, ngwanešu, le maatla a Kriste yo a tsogilego go tla ka Kerekeng a dire maswao le matete le mehlolo. Amene! Yeo ke Ebangedi. Ee.

158 E tlišitše pele. . . kafao. . . Ee, yeo ke nnete, e dirile. Tso—tso—tso tsošetšo e dirile dilo tsoko tše botse tša go loka kua, tsošetšo yela. Eupša ga se ya tliša pele Moya wo Mokgethwa. Ga se tša tliša yeo pele go fihla tlase ka go lebaka la Loadikia, tlase ka go lebaka la Pentecostal. Eupša e dirile selo se tee. Tsošetšo ye e dirile dilo tše dingwe tše A di boletšego, “Le se e tlogele ya hwa bjale, e tlišetšeng le tšwelepele le oketša go yona.” Le a bona?

159 E tlišitše pele Beibele ya go lokologa go batho gape. Lebaka la Lutheran le tlišitše pele Beibele ya go lokologa. Ba dirile kgatišo ya bona gomme ba thoma go fa lefase Beibele. Modimo a šegofatše Malutheran bakeng sa seo! Ee, mohlomphegi. Ba beile Beibele morago ka seatleng sa maloko gape; e be e no ba moprista a nnoši. Ebile go se tsoge ba E lebelela; gobane e be e le se mopapa a se boletšego, gomme o be a le modimo; kafao e ka ba eng a e boletšego, seo se e dirile.

160 Kafao bjale, tsošetšo ya Lutheran, se ba bego ba se nyaka, go “maatlafatša.” Bjale o na le Beibele ka seatleng sa gago, bjale E bale! E dumele! O se ke wa E bea godimo šelefong, wa re, “Gabotse, re ne Beibele.” Seo ga se ye go go direla botse godimo kua. Go na le Malutheran a mantši kudu ka Pentecost lehono, ba beile Beibele tikologong gomme ba tšea se yo mongwe gape a se bolelago ka Yona. Ngwanešu, bala Lentšu! “Puruputša Mongwalo, gobane ke wona a a pakago ka Nna,” go boletše Jesu. “Ka go wona le nagana le na le Bophelo bjo Bosafelego.” Seo ke selo go se dira: balang Lentšu!

161 Bjale, O boletše go no, “Swarelela go Leo, le. . . o se ke—o se ke wa tlogela leo go ngwega.” Gomme selo se sengwe A bego a ba nyaka go swarelela go sona, ba be ba ne maatla a mannyane a bego a šetše ka go bona, e be e le. . . Tsošetšo ya Lutheran, selo sa bobedi e se dirilego, e tlišitše thuto ya tokafatšo seetšeng. Katoliki ga e tšee tokafatšo; ke kereke ya Katoliki.

162 Go no swana le moprista yola, ba ile ba swanele go mo tima moyeng mo nako ye nngwe ya go feta. O rile, “Ga go phološo ye nngwe e ka ba kae gape eupša ka kerekeng ya Katoliki.” Phološo e ka go Kriste; e sego ka go kereke ya Katoliki, e sego ka go kereke ya Protestant. E ka go Kriste, phološo. Eupša Katoliki e dumela. . . Ga ba tshwenyeye se Beibele e se bolelago; ke se kereke e se bolelago. Le a bona? O ka se kgone go bolela le bona, gobane ga go tsela—ga go tsela go bolela le bona. Ga ba tshwenyeye. Ba na le. . . Ba tla bolela le wena ka katikisima ya bona, e ka ba eng boka yeo; eupša o tla go Beibele, ba—ba no fediša Yeo, “Ke se kereke e se bolelago.”

163 Eupša Jesu o rile, ka go sona selo se, Jesu Yenamong o rile, “Ge motho e ka ba mang a ka tloša e ka ba eng goba a oketša e ka ba eng go Lona, O tla tloša karolo ya gagwe go tšwa Pukung ya Bophelo.” Jesu o rile, “Anke lentšu la monna yo mongwe le yo mongwe e be maaka, gomme la Ka e be Therešo. Magodimo le lefase di tla feta, eupša Lentšu la Ka le ka se tsoge la feta.” A yeo ke nnete? Oo, Lona šeleo, ngwanešu.

164 Ke nna modumedi wa Lentšu la Modimo! Yeo ke nnete. Gomme e sego Lentšu leo feela Modimo a le bolelago fao, gona ke kgopetše Tate wa Legodimong go mpha Moya wo Mokgethwa go *tššetša* Lentšu leo, go dira Kriste a phele ka go nna. Gore ke a tseba ke ne Bophelo bjo Bosafelego, e sego ka gobane ke a Bo swanela, gobane mogau wa Gagwe o mphile Bjona. Leo ke leswika. “Godimo ga leswika le Ke tla aga Kereke ya Ka,” O boletše.

165 Go lokile, tokafatšo. Go lokile. Selo sa yona e be e le, morago ga ge ba be ba šetše ba tšweleditše se sengwe se ba bego ba se ba swanele go se tlogela se hwe, seo e be e le, ba be ba hweditše Beibele ka seatleng sa bona gape. Malutheran ba dirile seo. Gomme selo se sengwe, ba bile le thuto ya “tokafatšo ka tumelo.” Seo ke se Luther a se rutilego, yo mongwe le yo mongwe o a tseba gore yeo e be e le thuto ya gagwe. Tokafa- . . . A ga le kgone go bona kafafo yeo e phethagetšego? Morago go latela go tla Wesley ka tlhwekišo, morago mo go tla Pentecostal ka kolobetšo ya Moya wo Mokgethwa. Feela ka go phethagala. Bjale ke . . .

166 “O na le dilo tše di sego nene, swarelela go tšona bjale, gomme—gomme o se di lese tša hwa. Ge o sa swarelele go seo, Ke tla tla ka pela boka lehodu gomme o tla ya moragorago ka go kereke ya leina gape.” Gomme seo ke se ba se dirilego, feela tlwa, ba ile morago ka gare. “Le tla morago thwi go Bonikolaite gape, gobane le tla ya thwi morago ntle go kereke ya leina. Swarelela! Tšwelapele o bala Beibele yeo, gomme o boloke tokafatšo, gomme o tšwelepele o gatelela go ya pele.” Eupša go na le mašalela a mannyane a tla ntle ga fao. Mašalela a mannyane.

167 Morago, wa pele go tla, Luther; gomme morago gwa tla Zwingli; gomme go ya pele go theoga, Calvin; gomme go ya pele, le go ya pele, pele go theogela go Wesley. Eupša go be go le mašalela a mannyane a tla ntle ga fao ao a rutilego tlhwekišo. Gomme go tšwa go tlhwekišo go tlile mašalela a mannyane a ile pele ka go Moya wo Mokgethwa. Le a bona, mašalela a mannyane ale, tsela yohle mmogo kua, ba bolokile Leo—Leo le phela. Go lokile.

168 Eupša, sa boraro, ba tlišitše dibopego tša thuto ya bohetene tše ntši kudu ntle le bona, le yona, bjalo ka dikereke tša maina, kolobetšo ya maaka. Bjale, ba tlile ntle ba fafatša le go ya pele ka mokgwa woo, le Tate, Morwa, Moya wo Mokgethwa. Ba tlišitše katikisima. Ka therešo ba bile. . . ka therešo ba swanetšana le

leina . . . le le . . . se Jesu a se boletšego mo, “O na le leina gore o a phela, eupša o hwile.” Yeo ke nepagalo. Go lokile.

169 Sa bone, ke therešo gore mpshafatšo e swietše tše ntši tša ditlwaelo tša bona tša go pholetšhwa le—le ditirelo le go ya pele, eupša e šitilwe ka kerekeng le pušetšo ya go tliša pele mpshafatšo, e šitilwe go bušetša morago thuto ya Ebangedi ya go tlala ka maswao a latela. Kereke ya Lutheran ga se ya tsoge ya ba le yona. Ga se ba tsoge ba ba le yona; gomme ga se ba tsoge ba ba le yona ka go lebaka la Wesleyan. Bo bile feela le yona tlase bofelong bja lebaka le la Laodikia.

170 Bjale, ge re fihla ka go leo, re tla ya thwi morago ka go Mangwalo le go le laetša feela tlwa ka mo ba e tshepišitšego. Ga se ba ba le . . . ga se ba bušetša tsošetšo ya Moya wo Mokethwa.

171 Ba retologile go tloga go medingwana; gomme ba retologile go tloga go medingwana, yeo ke therešo. Ba kgakgamotše medingwana gš tšwa ka kerekeng: Maria, le Josefa, le—le Petro, le Paulo, le bona bohle. Ba retologile go tloga go medingwana, eupša ga se ba retologela go Kriste yo a tsogilego. Luther o ba retolotše go tloga go medingwana, eupša go ya ka go bontši boka politiki goba ke—goba kereke ya leina goba mokgatlo, go itirela bonabeng mokgatlo wo mongwe feela (seswantšho boka wa mathomo) le go leka go gola go o feta ka kereke ya leina.

172 Gomme bjale ba sa lwa. Methodist e sa nyaka go . . . Mabaptist ohle go ba Mamethodist. Gomme Lutheran yohle e nyaka Mabaptist ohle le Mamethodist go ba Malutheran. Pentecostal e nyaka Mabaptist ohle, Lutheran, le se sengwe le se sengwe gape, go ba Pentecostal. Le a bona, le no tšwelapele le oketša go kereke ya lena ya leina. Eupša leo ga se lenaneo la Modimo lefelong la pele. Lenaneo la Modimo la pušetšo e be e le go tliša marago se se bego e le sona go tloga mathomong.

173 Lebelelang! Tsošang seo! Ge puku ye e wela lebatong, bjale go tšea puku ye nngwe gomme ya tšea legato la yona, ga se pušetšo, tsogo. O swanetše go tliša yona ya go *swana* godimo. Amene. Kafao kereke e hwile go kgabola Lebaka la Leswiswi le go ba bohetene go felela morago *mo*, ka gona pušetšo, pu . . . Yeo ke mpshafatšo, go mpshafatša; eupša go *mpshafatšwa*, le go *tswalwa gape*, ke dilo tše pedi tša go fapana. Le a bona? Ba tlišitše morago mpshafatšo, go mpshafatša, go tloga go bontši bja medingwana ya bona le dilo, eupša ga se ba tsoge ba tliša Moya wo Mokgethwa morago ka kerekeng. Oo, a go šegofale Leina la Morena! Ngwanešu, kgaetšedi, a le kgona go e bona? Ga se ba tsoge ba tliša Moya wo Mokgethwa morago, gobane yena yo ka kgonthe a tlišago Seetša sa therešo sa Ebangedi . . . Rwalang kefa ya lena bjale. Yena yo a tlišago Seetša sa Ebangedi sa therešo ke morongwa wa kereke fase *mo*. Bjale re ya go bona seo Lamorena.

174 Bjale, ba tla ba le dietša godimo ntlhoreng ya dietša, le dietša tša Bokriste, eupša bohle yo mongwe le yo mongwe o

ya thwi morago ka go mokgatlo. Eupša go tla yo motee yo a tla emago kgahlanong le yena. Ee, mohlomphegi. Gomme o hlohotše mašalela go tšwa fao feela ka nnete bjalo ka ge ke eme ka go phuluphithi ye. Yeo ke nnete. Gomme o tla ya thwi morago mathomong. Gomme ke tla tšea Mangwalo go tšwa go Testamente ya Kgale le Testamente ye Mpsa le go netefatša go lena gore o tla dira seo, morongwa wa kereke ya Laodikia, yeo ke nnete, go ya thwi go otlologa morago go setlogo le go tsoša selo se mo gape. Gomme tso go e tla tla go letšatši la ye *mo*. Yeo ke nnete.

¹⁷⁵ Eupša Luther o hloholetše kereke ntle, bona ba phonyokgilego. Bona ba phonyokgilego, legato le tee, tlhweki- . . . tokafatšo. Bona ba ba phonyokgilego, o bile le leoto le tee ka ntle ga bohetene. Seo se lokile. Nako ya go latela, go tšea maoto a mabedi ka ntle. Yeo ke phetho.

¹⁷⁶ Feele boka. . . A le hlokometše ka Beibeleng fao go—fao go meetse a tla ntle go tšwa morago ga Tempele? Gomme o rile o bone meetse godimo go fihla go matolo a gagwe; gomme la go latela, meetse godimo go fihla go letheka la gagwe; gomme lekga la go latela, a ile ka godimo ga hlogo ya gagwe. Eupša ge a ile ka godimo ga hlogo ya gagwe, o ile a swanela go fihla go lefelo a ka kgonago go thutha. Le a bona, o ile a swanele go thutha.

¹⁷⁷ Bjale re tla ka go lefelo bjale e ba go thutha goba go nwelela. Yeo ke phetho. Ke tla le nweletša le go le kitimišetša kgole go felela, goba go le tliša ka gare, e tee. Kafao, ke go thutha goba go nwelela! Haleluya! Oo, ke thabetše Moya wo Mokgethwa kudu! A ga la?

Ke thabile bjang gore ke kgona go re ke nna yo mongwe wa bona.

Ke nna yo mongwe wa bona, . . . (Eng *bona*? E sego *se*, *sela*, goba *sela*, goba *sela*.)

. . . ke thabile gore ke kgona gore ke nna yo mongwe wa bona, Haleluya;

Yo mongwe wa bona, yo mongwe wa bona,

Ke thabile bjang gore ke kgona go re ke nna yo mongwe wa bona.

A seo ga se kwagale gabotse? Theetsang:

Ba be ba kopane ka kamoreng ya godimodimo,

Bohle ba rapela ka leineng la Gagwe,

Ba be ba kolobeditšwe ka Moya wo Mokgethwa,

Gomme maatla bakeng sa tirelo a tla;

Bjale seo A se diretšego bona letšatši lela

O tla go direla go swana,

Ke thabile bjang gore ke kgona go re ke nna yo mongwe wa bona.

Oo, yo mongwe wa bona, ke nna yo mongwe wa bona,
 Ke thabile gore ke kgona gore ke nna yo mongwe wa bona, Haleluya;
 Yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona.

178 A le ya diseminarng? Aowa. Ba bangwe ba bona ebile ga ba kgone go ngwala leina la bona. Yeo ke nnete. Petro o be a sa kgone. Beibele e rile o be a sa tsebe selo le monna wa go se rutege, yena le Johane. Eupša ba ile ba swanela go ba lemoga, gobane ba tsebile ba be ba ne Jesu.

Le ge batho ba ba ka no se ithute go ba, (Rutega.),
 Goba go ikgantšha ka tumo ya lefase (“Oo, šegofatšang Modimo, ke na le bontši bja *se le se.*”),
 Bona bohle ba amogetše Pentecost ya bona,
 Ba kolobeditšwe Leineng la Jesu;
 Gomme ba a botša bjale, bobedi ba kgole le bopapetla,
 Maatla a Gagwe le bjale a sa swana,
 Ke thabile bjang gore ke kgona go re ke nna yo mongwe wa bona.

Oo, yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona;
 Yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona.

179 A ga la e thabela? Ke thabile kudu go ba yo mongwe wa bona. Bokaone ke be yo mongwe wa bona go feta e ka eng ke e tsebago. Oo, bokaone ke be yo mongwe wa bona go feta go ba Mopresitente wa United States goba go ba kgoši godimo ga lefase. Ke tla . . . Ge Morena Jesu a ka sepelela tlase mo, a re, “Ke tla go bušetša morago go mengwaga ye masomepedi bogolo le go go dira mookamedi, kgoši ya lefase ka moka, le go go fa dikete tše lesome tša mengwaga ya—ya bophelo godimo ga lefase le, go dula o le mengwaga ye masomepedi bogolo; go se tsoge wa ba le letšatši la go babja, bohloko bja pelo, gomme tšohle e tla ba thabo le se sengwe le se sengwe, gomme kgoši ya lefase ka moka, go phela mengwaga ye dikete tše lesome; goba bokaone o nyaka go ba yo mongwe wa bona gomme o no swanele go katana go kgobola boka o dira?”

180 Ke be ke tla re, “Ke thabile gore ke kgona gore ke nna yo mongwe wa bona!” Morago ga mengwaga ye dikete tše lesome, morago eng? Eupša Bjo bo ka Gosafelego. Bo tlile bjang? Oo, Bo

tlile ka Madi. Yeo ke nnete. Bo tlile tsela ye telele, gomme Bo tlile ka Modimo a dirilwe nama le go dula magareng ga rena:

Ka legopong kgalekgale, ke a tseba ka kgonthe go bjalo,

Lesea le belegwe go phološa batho go tšwa dibeng tša bona.

Johane o Mmone mo lešing, Kwana go ya go ile, Oo, Kriste, Mmapolwa wa Khalibari.

Oo, ke rata Monna yola wa go tšwa Galelia, wa go tšwa Galelia,

Ka gore O ntiretše tše dintši kudukudu.

O lebaletše dibe tša ka tšohle, a bea Moya wo Mokgethwa ka gare;

Oo, ke a rata, ke rata Monna wa go tšwa Galelia.

Mosadi mo sedibeng, O mmoditše dibe tšohle tša gagwe, (O a swana maabane, lehono, le go ya go ile.)

Le ka fao a bilego le bannabagatša ba bahlano ka nako yeo.

O lebaletšwe sebe se sengwe le se sengwe, gomme khutšo ya go teba e beilwe ka gare;

O goleditše, “Tlang le bone Monna yo wa go tšwa Galelia!”

Oo, ke rata Monna yola wa go tšwa Galelia, wa go tšwa Galelia,

Ka gore O ntiretše tše dintši kudukudu.

O lebaletše dibe tša ka tšohle, a bea Moya wo Mokgethwa ka gare;

Oo, ke a rata, ke rata Monna yola wa go tšwa Galelia.

Molekgetho o ile go rapela ka tempeleng fale letšatši le lengwe,

O goleditše, “O Morena, e ba kgaogelo go nna!”

O lebaletšwe sebe se sengwe le se sengwe, gomme khutšo ya go teba e tlile ka gare;

O rile, “Tlang le bone Monna yo wa go tšwa Galelia.”

Ke rata yeo. A ga le?

Segole se dirilwe go sepela, semumu se dirilwe go bolela,

Maatla ale a boletšwe ka lerato godimo ga lewatle;

Gomme sefoku se dirilwe go bona, ke a tseba e kgonne go ba feela

Kgaogelo ya Monna yola wa go tšwa Galelia.

E opeleng le nna:

Oo, ke rata Monna yola wa Galelia, wa Galelia,
 Ka gore O ntiretše tše dintši kudukudu.
 O lebaletše dibe tšohle tša ka, a bea Moya wo
 Mokgethwa ka gare;
 Oo, ke rata, ke rata Monna yola wa Galelia.

181 A ga le E rate? Oo, nna! Ye botse ye, Ebangedi ya Moya wo Mokgethwa, oo, ke E rata bjang. Ke Mo rata ka pelo yohle ya ka. Ke thabile bošegong bjo gore ke balwa le bona, gomme mmogo re banešu le dikgaetšedi. Mabaptist, Mamethodist, Pres-. . . Katoliki, Presbyterian, eng kapa eng go fetiša, Modimo o re ntšheditše ka ntle ga mosepelo wo mongwe le wo mongwe wa bophelo gomme o re tlišitše godimo mo go kopanelo ye kgolo ye ya Moya wo Mokgethwa. Ga re ba kereke ya leina e ka ba efe, go tšwa go bona se ba se dirago, eupša re ka go Mmušo wa sephiri. Re kolobeditšwe ka go mmele wa sephiri wa Jesu Kriste, ka Moya wo Mokgethwa. Ke mang? Momethodist, Mobaptist, Mopresbyterian, le mang kapa mang a ratago, a a tle.

182 Jesu o rile, “Bohle Tate a Nneilego bona ba tla tla go Nna, gomme ga go yo motee wa bona a tla lahlegago, gomme Ke tla ba tsoša gape ka letšatši la mafelelo.” Oo, nna! Re be re tlwaetše go opela pina ya kgale tlase aletareng mo; ga ke tsebe ge eba re ka kgona go e opela goba aowa, “Sekgoba, sekgoba, ee, go na le sekgoba, go na le sekgoba sa ka mo mothopong.” A le a di rata tšona dipina tša kgale boka yeo? Re fe khie yo mongwe, yo mongwe a tsebago mokgwa wa go e thoma. Mmapiano wa rena o kae? A o mo? Goba Ngwanešu Teddy goba e ke bo mang wa bona mo? Bona? Oo, nna, ga—ga ke sa mmona e ka ba kae.

Sekgoba, sekgoba, ee, fao go sekgoba,
 Go sekgoba sa gago mothopong;
 Sekgoba, sekgoba, ee, fao go sekgoba,
 Go sekgoba sa gago mothopong.

183 A le rata dipina tša kgale? Gomme ke rata ye le nna:

Tlase sefapanong mo Mophološi wa ka a
 hwilego,
 Tlase mo ke llelago tlhwekišo go tšwa sebeng;
 Oo, fale madi a tloditšwe pelong ya ka;
 Letago go leina la Gagwe!

Letago go leina la Gagwe! Leina la Gagwe le
 bohlokwa!
 Oo, letago go. . . (A re nong go tswalela mahlo
 a rena bjale le go e opela.)
 Oo, fale madi a tloditšwe pelong ya ka;
 Letago go leina la Gagwe!

Ke phološitšwe go sebe go go makatšago kudu,
 Jesu o dula ka gare gabose kudu,
 Fale mo sefapanong moo A ntšeešego ka gare;
 Letago go leina la Gagwe!

Letago go leina la Gagwe! Leina lela le
 bohlokwa!
 Letago go leina la Gagwe! Leina le bohlokwa!
 Fale madi a tloditšwe pelong ya ka;
 Letago go leina la Gagwe!

184 Bjale ge re sa opela tema ye ya go latela, šikinya diatla le yo
 mongwe ka pele ga gago, morago ga gago, mahlakoreng a gago.

Etla, go mothopo wo wa go huma le bose;
 Lahlela soulo ya gago ya go šokiša maotong a
 Mophološi;
 Oo, phonkgela ka gare lehono, gomme o
 thakgafatšwe;
 Letago go leina la Gagwe!

Letago go leina la Gagwe! Leina lela le
 bohlokwa!
 Letago go leina la Gagwe le bohlokwa!
 Fale madi a tloditšwe pelong ya ka;
 Letago go leina la Gagwe!

Oo, ke rata yeo. A ga le?

Letago go leina la Gagwe! Leina le Bohlokwa!
 Letago go leina la Gagwe!
 Fale madi a tloditšwe pelong ya ka;
 Letago go leina la Gagwe!

185 Oo, nna! Ke thabetše seo kudu. A ga la? Ke thabile gore ke
 kgona go tla go Mothopo wo wa go huma le bose, ke lahletše soulo
 ya ka ya go šokiša maotong a Mophološi.

186 Ke elelwa letšatši le lengwe, ge ke sa le mošemane yo
 monnyane, e ka ba mengwaga ye lesomeseswai bogolo, ke tšhaba
 go tloga go Morena. Ke ile ntle Bodikela, ke be ke nyaka . . . Tate
 wa ka e be e le mokatiši, gomme ke be ke nyaka go ya ntle le go
 thapisa dipere. Se sengwe se be se nno swarwa ke tlala ka pelong
 ya ka. Oo, ke a le botša!

187 Ke ile tlase go moreri wa Baptist, o rile, “Emelela gomme o no
 re, ‘Jesu ke Morwa wa Modimo,’ re tla bea leina la gago godimo
 ga puku.” Seo ga se sa ke sa nkgotsofatša.

188 Mogohle ke ilego yo mongwe . . . Moseventh-day Adventist,
 ke ile go mmona, monna yo mokaone, Ngwanešu Barker,
 ngwanešu wa go ratega, o rile, “Billy, etla gomme o amogele
 sabatha ya Morena.” (Ke na le yona bjale.) Eupša o rile, “Letšatši
 la sabatha.” Gomme ke naganne, “Oo, nna, leo le no se e dire.”
 Le a bona.

189 Ke ile ntle Bodikela, gomme ke naganne...Ke ile moragorago godimo kua bošego bjoo, re be re le mokgobelong. Gomme, le a tseba, o fološitše sala ya gago le mokotla wa kampa, gomme o o ala ntle, gomme o šomiša sala bakeng sa mosamelo. Gomme ke be ke robetše morago, godimo ka fase ga mehlare ya phaene bošego bjoo. Gomme ke be ke le go letšatši la go hlapetša, kafafo bašemane ba bošego ba be ba le ntle ba tliša mohlape tlase. Gomme go be go le mothaka wa kgale wa go bitšwa “Slim,” go tšwa Texas, o be a ne ka—ka katara fao gomme o be a raloka:

Letago go leina la Gagwe!

190 Mothaka yo mongwe fao o be a ne kamo le seripana sa pampiri, a budulela go e kgabola. [Ngwanešu Branham o hama, *Letago go Leina la Gagwe*—Mor.] Ba be ba opela dipina tše dingwe, dipalate tša khapoye, gomme ba ile go opela yela *Tlase mo Sefapanong*.

191 Nna! Ke retologile godimo, ka bea lepai godimo ga hlogo ya ka ka mokgwa wo. Ke lebeletše morago ka ntle, le a tseba, gomme go be go lebege o ka re tšona dinaledi di be di lepeletše thwi fase fao kgauswi le ntlhora ya yona mehlare le tšona dithaba. Go sebana gola ga goyagoile ga kgale ga yona mephaene, ke be ke kgona go Mo kwa a goelela ntle, “Adama, o kae?”

192 E ka ba dibeke tše tharo morago ga fao, ke ile tlase ka toropongkgolo gomme bašemane bohle ba be ba tagilwe, gomme ke be ke sa nwe. Ke be ke swanetše go ba tšeela gae bohle, ka ba pakela godimo ga koloi, ka tsela e ka ba efe. Gomme ba tšwetše ntle kua le go thunyana menwana ya maoto seng sa bona, le se sengwe le se sengwe gape, le kotsi go bolokega; go thala mothalo wa go otlologa go kgabola kua, le go petša seng sa bona ditolara tše tlhano ba ka kgona go o sepela, gomme ba be ba sa kgone go sepela tsejana ya ka thoko ntle kua ka mokgwa woo, o a tseba. Gomme yeo ke tsela ye e bilego go fihla bohle ba hlapogelwa, morago ga ge ba hweditše tšhelete ya bona.

193 Gomme ke be ke le tlase kua gomme ba be ba enwa bohle, ke ile godimo thokwana le go dula fase. Ka nagana, “Nna, nna!” E ka ba mengwaga ye masometharo tlhano ya go feta, goba masometharo tlhano, ke a thanka, mengwaga ye masometharo tlhano ya go feta. Gomme ke dutše fase kua, thokwana. Phoenix e be e le lefelo le lennyane nako yeo, re tšwa Wickenburg tlase kua. Ke be ke dutše fase kua, gomme go be go le mosetsana yo monnyane Mospanish a tla a tshelatshela go kgabola kua; gomme nna ke dutše kua ka kefa ye kgolo ye e dutše ka morago ga hlogo ya ka; o fetile kgauswi gomme a wiša sakatuku se sennyane se, le a tseba. Ke rile, “Hei, o wešitše sakatuku sa gago.” Ke be ke se ne kgahlego.

194 Ke kwele lešata le lennyane tlase mokgotheng kua, gomme ke ile tlase kua. Gomme go be go le mošemane wa kgale a sokologile ntle go mabenkele a go kempola ntle kua, mabadi a dithala

mogohle sefahlegong sa gagwe, gomme megokgo e kitima go theoga lerama la gagwe fao, a raloka katara, a opela:

Letago go leina la Gagwe!

195 Oo, nna! Megokgo e be e kitima go theoga sefahlegong sa gagwe, o ilela a ema gomme a re, “Ngwanešu, ga o tsebe gore ke eng go fihlela o amogela Kriste yo wa go makatša”:

Letago go Leina la Gagwe!

196 Gomme ke gogetše kefa ye kgolo fase gomme ka fulara. Oo, nna! O ka se kgone go ikutela Yena. O ka no tla ntle le wena gomme wa Mmolela. Oo, O a makatša! Ee, O a dira.

Ke phološitšwe go sebe go go makatšago kudu,
Jesu ka bobose o dula ka gare, (o *dula* ka gare)
Fale mo sefapanong moo A ntšeešego ka gare;
Letago go leina la Gagwe!

Letago go leina la Gagwe! Leina!

Letago go leina la Gagwe!

Oo, fale madi a tloditšwe pelong ya ka;

Letago go leina la Gagwe!

Oo, etla, go mothopo wo wa go huma le bose;
E no lahlela soulo ya gago ya go šokiša maotong
a Mophološi;

Oo, phonkgela lehono, gomme o thakgafatšwe;

Letago go . . .

Bjale a re inamišeng dihlogo tša rena, re no phagamišetša diatla tša rena godimo bjale:

Letago go leina la Gagwe! (Letago, letago!)

(O Modimo.) . . . Leina le bohlokwa!

Fale madi a tloditšwe pelong ya ka;

Letago go leina la Gagwe!

197 Letago go Modimo! A re emeng. Oo, motsotso feela; feela, e nong go leta . . . [Kgaetšedi o bolela ka leleme le lengwe. Ngwanešu o fa tlhathollo—Mor.] Ee, Morena.

198 Bjale ge go ka ba ba bangwe ba ba bego ba sa tsebe se seo e bego e le sona, yeo ke Pentecost, Moya wo Mokgethwa o a bolela. Jesu o rile, “Eyang ka lefaseng lohle, rerang Ebangedi. Maswao a a tla latela bona ba ba dumelago. Ba tla bolela ka maleme a maswa; ba bea diatla godimo ga balwetši, ba tla welwa ke maruru.” Dilo tšohle A bolelago ka tšona, di tla phethagala.

199 Oo, ke thabile kudu. Go bona Moya wo Mokgethwa o etla, o tiišetša Lentšu lela? Seetša, se tšee, o se ke—o se ke wa le belaela. E no le amogela gomme O tla šomana le wena bjalo ka ngwana le go go godiša gabotse. A seo ga se bose bja Moya wo Mokgethwa go dira seo? Moya wo Mokgethwa godimo ga rena.

200 Ke elelwa nako ye nngwe ka Beibeleng, ba be ba sa tsebe ke tsela efe selo se bego se etla, lenaba le be le etla, gomme Moya wo

Mokgethwa wa wela godimo ga motho ka mokgwa woo, gomme wa ba botša tlwa moo ba swanetšego go ya. Gomme ba ile kua, gomme Modimo o gakantšhitše sešole se sengwe le go ba rakelela. Yeo ke nnete.

²⁰¹ Oo, re sa phela ka matšatšing a Beibele! A ga re? Amene. Ka mehla, ge feela Moya wo Mokgethwa o le fao.

²⁰² Oo, a re emeng ge re opela:

Tšea leina la Jesu le wene... (Elelwang Molaetša.)

Ngwana wa mahloko le madimabe;
Le tla go fa thabo le khomotšo,
Le tšee gohle mo o yago.

Leina le bohlokwa, Leina le Bohlokwa,
Oo bose bjang!
Kholofelo ya lefase le thabo ya Legodimo;
Leina le bohlokwa, Leina Lela le bohlokwa!
Bose bjang!
Kholofelo ya lefase le thabo ya Legodimo.

Tšea leina la Jesu le wena,
Bjalo ka kotse go tšwa molabeng wo mongwe
le wo mongwe;
Ge meleko go go dikologa e kgobokana,
Hema leina le lekgethwa leo ka thapelo.
(Tumišang Modimo!)

Leina le bohlokwa,
Oo bose bjang!
Kholofelo ya lefase le thabo ya Legodimo;
Leina le bohlokwa, Leina le bohlokwa, Oo bose
bjang!
Kholofelo ya lefase le thabo ya Legodimo.

Theetšang temana yeo:

Tšea leina la Jesu le wena,
Bjalo ka kotse go tšwa molabeng wo mongwe
le wo mongwe;
Ge meleko go go dikologa e kgobokana,
Hema leina le lekgethwa leo ka thapelo.

Oo, a re e opeleng gape:

Tšea leina la Jesu le wena,
Bjalo ka kotse go tšwa molabeng wo mongwe
le wo mongwe;
Ge meleko go go dikologa e kgobokana,
Hema leina le lekgethwa leo ka thapelo.

A re inamišeng dihlogo tša rena bjale:

Leina le bohlokwa, Leina le bohlokwa, Oo bose
bjang!
Kholofelo ya lefase le thabo ya Legodimo;
Leina le bohlokwa, Oo bose bjang! Bose bjang!
Kholofelo ya lefase le thabo ya Legodimo.



LEBAKA LA KEREKE YA SAREDE NST60-1209

(The Sardisean Church Age)

TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Desemere 9, 1960, ka Tabarenekeleng ya Branham ka Jeffersonville, Indiana, U.S.A, o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org